

摘藻堂四庫全書薈要

史部

欽定四庫全書薈要

史部

資治通鑑卷一百五十三



詳校官編修臣汪鏞

欽定四庫全書薈要卷七千一百三十八

史部

資治通鑑卷一百五十二 宋 司馬光 撰

胡三省 音註

梁紀八

著雍泥  
難一年

高祖武皇帝八

大通二年春正月癸亥魏以北海王顥爲驃騎大將軍

開府儀同三司相州刺史

驃匹妙翻騎奇  
寄翻相息亮翻

魏北道行

臺楊津守定州城居鮮于修禮杜洛周之間迭來攻圍

津蓄薪糧治器械

治直之翻

隨機拒擊賊不能克津潛使人

以鐵券說賊黨賊黨有應津者遺津書曰賊所以圍城

正爲取北人耳

說式芮翻遺于季翻爲于偽翻

城中北人宜盡殺之不

然必爲患津悉收北人內子城中而不殺衆無不感其

仁及葛榮代修禮統衆

榮得修禮之衆見上卷普通七年

使人說津許

以爲司徒津斬其使固守三年

普通七年春津守定州至是三年說式芮翻其

使疏吏翻

杜洛周圍之魏不能救津遣其子遁突圍出詣柔

然頭兵可汗求救遁日夜泣請頭兵遣其從祖吐豆發



帥精騎一萬南出前鋒至廣昌賊塞隘口

廣昌縣自漢以來屬代郡

自廣昌東南山南出倒馬關至中山上曲陽縣關山險隘實爲深峭石嶮逶迤沿塗九曲可從刊入聲汗音寒

從才用翻帥讀曰率下同塞悉則翻

柔然遂還乙丑津長史李裔引賊入

執津欲烹之既而捨之

史言城無糧援雖善守者不能支久

瀛州刺史元

寧以城降洛周

降戶江翻

乙丑魏潘嬪生女胡太后詐言

皇子

爲後胡后立女張本嬪毗賓翻

丙寅大赦改元武泰 蕭寶寅圍

馮翊未下長孫稚軍至恒農

長知兩翻恒戶登翻

行臺左丞楊侃

謂稚曰昔魏武與韓遂馬超據潼關相拒遂超之才非

魏武敵也然而勝負久不決者扼其險要故也

事見十六卷

漢獻帝建安十六年

今賊守禦已固雖魏武復生無以施其智勇

復扶又翻

不如北取蒲反

此用前漢書地理志蒲反字

度河而西入其腹

心

此亦魏武之故智也

置兵死地則華州之圍不戰自解

五代志馮翊郡

後魏置華州華戶化翻

潼關之守必內顧而走支節既解長安可

坐取也若愚計可取願爲明公前驅稚曰子之計則善

矣然今薛修義圍河東薛鳳賢據安邑宗正珍孫守虞

坂不得進

水經注曰虞坂即左傳所謂顛軫在傳巖東北十餘里東西絕澗於中築以成道指南北

之路謂之幹橋橋之東北有虞原上道東有虞城其城北對長坂二十餘里謂之虞坂戰國策曰昔騏驥駕鹽

車上虞坂遷延不能進正此處也坂音反如何可往侃曰珍孫行陳一夫

戶行

剛翻陳因緣爲將亮翻可爲人使安能使人河東治在

蒲反治謂治所也西逼河湓湓船倫翻水厓也上封疆多在

郡東修義驅帥士民西圍郡城其父母妻子皆留舊村

一旦聞官軍來至皆有內顧之心必望風自潰矣稚乃

使其子子彥與侃帥騎兵自恒農北渡據石錐壁五代志河

東郡虞鄉縣有石錐山於此築壘壁也侃聲言今且停此以待步兵且觀

民情向背命送降名者各自還村俟臺軍舉三烽當亦

舉烽相應其無應烽者乃賊黨也當進擊屠之以所獲

賞軍於是村民轉相告語

背蒲妹翻語牛倨  
翻降戶江翻下同

雖實未降

者亦詐舉烽一宿之間火光遍數百里賊圍城者不測

其故各自散歸修義亦逃還與鳳賢俱請降丙子稚克

潼關遂入河東會有詔廢鹽池稅

魏朝蓋謂弛鹽利以  
與民可以得民也

稚上表以爲鹽池天產之貨密邇京畿唯應寶而守之

均贍以理今四方多虞府藏罄竭冀定擾攘

冀定二州  
時爲葛榮

杜洛周  
攻圍

常調之絹不復可收唯仰府庫

藏徂浪翻調徒  
弔翻復扶又翻

仰魚  
向翻

有出無入略論鹽稅一年之中準絹而言不下三

十萬匹乃是移冀定二州置於畿甸今若廢之事同再

失

前此宣武帝用甄琛之言廢鹽池  
稅已爲失計今又廢之是爲再失

臣前仰違嚴旨不

先討關賊徑解河東者非緩長安而急蒲反一失鹽池

三軍乏食天助大魏茲計不爽

爽乖也

昔高祖昇平之年

無所乏少

少詩  
沼翻

猶創置鹽官而加典護非與物競利恐

由利而亂俗也况今國用不足租徵六年之粟調折來

歲之資

調徒弔翻折之列翻

此皆奪人私財事不獲已臣輒符同

監將尉

謂監鹽池之將尉也監工銜翻將即亮翻下同

還帥所部依常收稅

帥讀

日率

更聽後敕

謂合罷與否更聽後番敕下也

蕭寶寅遣其將侯終德

擊毛遐會郭子恢等屢爲魏軍所敗

敗補蓮翻下穆敗同

終德因

其勢挫還軍襲寶寅至白門

長安城東出北來第三門曰青門意白門即西出南

來第三門也

寶寅始覺丁丑與終德戰敗攜其妻南陽公主

及其少子帥麾下百餘騎自後門出奔万俟醜奴

少詩照翻

騎奇寄翻万莫北翻侯渠之翻醜奴以寶寅爲太傅二月魏以長孫稚

爲車騎大將軍開府儀同三司雍州刺史尚書僕射西

道行臺

雍於用翻

羣盜李洪攻燒鞏西關口以東

謂鞏縣以西伊關口

以東也鞏縣漢屬河南尹晉分屬滎陽郡

南結諸蠻魏都督李神軌武衛將

軍費穆討之穆敗洪于關口南遂平之葛榮擊杜洛

周殺之併其衆魏靈太后再臨朝以來

再臨朝見一百五十卷普

通六年朝直遙翻

嬖倖用事

嬖卑義翻又博計翻

政事縱弛恩威不立盜

賊盜起封疆日盛

謂秦隴以西冀并以北皆爲盜區淮汝沂泗之間皆爲梁所侵也

魏

肅宗年浸長太后自以所爲不謹恐左右聞之於帝凡

帝所愛信者太后輒以事去之

長知兩翻  
去羌呂翻

務爲壅蔽不

使帝知外事通直散騎常侍昌黎谷士恢有寵於帝使

領左右

散悉亶翻  
騎奇寄翻

太后屢諷之欲用爲州士恢懷寵不

願出外太后乃誣以罪而殺之有蜜多道人能胡語帝

常置左右太后使人殺之於城南而懸賞購賊由是母

子之間嫌隙日深是時車騎將軍儀同三司并肆汾廣

恒雲六州討虜大都督爾朱榮

廣當作唐魏收志孝昌  
中置唐州高歡建義改

唐州曰晉州按爾朱  
榮時駐兵於晉陽

兵勢彊盛魏朝憚之

朝直  
遙翻

高歡段



榮尉景蔡雋先在杜洛周黨中

高歡等歸杜洛周見一百五十卷普通六年

欲圖洛周不果逃奔葛榮又亡歸爾朱榮劉貴先在爾

朱榮所屬薦歡於榮榮見其憔悴未之奇也

憔悴而遙翻

歡從榮之馬廐廐有悍馬榮命歡翦之

髦馬而鬣落之爲翦悍侯旰翻

歡不加羈絆而翦之

馬絡首曰羈繫足曰絆

竟不蹄齧起謂榮曰

御惡人亦猶是矣榮奇其言坐歡於牀下屏左右訪以

時事歡曰聞公有馬十二谷

榮畜牧蕃庶以谷量馬屏必郢翻

色別爲

羣畜此竟何用也

畜吁玉翻

榮曰但言爾意歡曰今天子間

弱太后淫亂嬖孽擅命朝政不行

尊魚列翻  
朝直遙翻

以明公雄

武乘時奮發討鄭儼徐紇之罪以清帝側霸業可舉鞭

而成此賀六渾之意也

高歡字  
賀六渾

榮大悅語自日中至夜

半乃出自是每參軍謀并州刺史元天穆孤之五世孫

也

孤拓跋鬱  
律第四子

與榮善榮兄事之榮常與天穆及帳下都

督賀拔岳密謀欲舉兵入洛內誅嬖倖外清羣盜二人

皆勸成之榮上書以山東羣盜方熾

熾尺  
志翻

冀定覆沒官

軍屢敗請遣精騎三千東援相州

騎奇寄翻  
相息亮翻

太后疑之

報以念生梟戮寶寅就擒醜奴請降關隴已定費穆大

破羣蠻絳蜀漸平又北海王顥帥衆二萬出鎮相州不

須出兵

梟堅堯翻降戶江  
翻帥讀曰率下同

榮復上書

復扶又翻  
下帝復同

以爲賊

勢雖衰官軍屢敗人情危怯恐實難用若不更思方略

無以萬全臣愚以爲蠕蠕主阿那瓌荷國厚恩

蠕蠕之  
亂魏援

立阿那瓌事見一百四十九卷普通  
元年至三年蠕人覓翻荷下可翻

未應忘報宜遣發

兵東趣下口以躡其背

言阿那瓌荷魏保護之恩雖叛  
歸塞北未應漠然忘報恩之心

下口蓋指飛狐  
口趣七喻翻

北海之軍嚴加警備以當其前臣麾下

雖少輒盡力命自井陘以北滏口以西分據險要攻其

肘腋

少詩治翻陘音刑  
滏音釜腋音亦

葛榮雖并洛周威恩未著人類

差異形勢可分

杜洛周柔玄鎮民葛榮鮮于修禮之黨  
本非同類吞并爲一及其新合亟加招

討則形勢  
可分也

遂勒兵召集義勇北捍馬邑東塞井陘徐紇

說太后以鐵券間榮左右榮聞而恨之魏肅宗亦惡儼

紇等逼於太后不能去

塞悉則翻說輸芮翻間古  
苋翻惡烏路翻去羗呂翻

密詔

榮舉兵內向欲以脅太后榮以高歡爲前鋒行至上黨

帝復以私詔止之儼紇恐禍及已陰與太后謀酖帝癸

丑帝暴殂

年十九

甲寅太后立皇女爲帝大赦既而下詔

稱潘充華本實生女

潘充華即前所謂潘嬪也生女見上正月乙丑

故臨洮王

實暉世子釗體自高祖

臨洮王實暉高祖之孫

宜膺大寶百官文

武加二階宿衛加三階乙卯釗即位釗始生三歲太后

欲久專政故貪其幼而立之爾朱榮聞之大怒謂元天

穆曰主上晏駕春秋十九海內猶謂之幼君况今奉未

言之兒以臨天下欲求治安其可得乎

治直吏翻

吾欲帥鐵

騎赴哀山陵翦除姦佞更立長君

更工衡翻長知兩翻

何如天穆

曰此伊霍復見於今矣乃抗表稱大行皇帝背棄萬方

復扶又翻  
背蒲妹翻

海內咸稱醜毒致禍豈有天子不豫初不召

醫貴戚大臣皆不侍側安得不使遠近怪愕又以皇女

爲儲兩

太子謂之儲君易曰明兩作離  
大人以繼明照四方故稱儲兩

虛行赦宥上欺

天地下惑朝野已乃選君於孩提之中實使姦豎專朝

隳亂綱紀

朝直  
遼翻

此何異掩目捕雀塞耳盜鍾

塞悉  
則翻

今羣

盜沸騰鄰敵窺窬而欲以未言之兒鎮安天下不亦難

乎願聽臣赴闕參預大議問侍臣帝崩之由訪侍衛不

知之狀以徐鄭之徒付之司敗雪同天之恥

君父之仇義不同天

謝遠近之怨然後更擇宗親以承寶祚榮從弟世隆時

爲直閣

更工衡翻從才用翻下從子之從同

太后遣詣晉陽慰諭榮榮欲

留之世隆曰朝廷疑兄故遣世隆來今留世隆使朝廷

得預爲之備非計也乃遣之三月癸未葛榮陷魏滄

州

魏肅宗熙平二年分瀛冀二州置滄州治饒安城領浮陽樂陵郡

執刺史薛慶之居

民死者什八九乙酉魏葬孝明皇帝于定陵廟號肅

宗爾朱榮與元天穆議以彭城武宣王有忠勲

彭城王勰

謚武宣忠勲謂侍孝文帝疾立宣武帝備極忠勤也

其子長樂王子攸素有令望

欲立之

樂音洛

又遣從子天光及親信奚毅倉頭王相入

洛與爾朱世隆密議天光見子攸具論榮心子攸許之

天光等還晉陽榮猶疑之乃以銅爲顯祖諸孫各鑄像

唯長樂王像成

魏人立后皆鑄像以卜之慕容氏謂冉閔以金鑄已像不成胡人鑄像以卜君

其來尚矣故爾朱榮效之

榮乃起兵發晉陽世隆逃出會榮於上黨

靈太后聞之甚懼悉召王公等入議宗室大臣皆疾太

后所爲莫肯致言徐紇獨曰爾朱榮小胡敢稱兵向闕



文武宿衛足以制之但守險要以逸待勞彼懸軍千里

士馬疲弊破之必矣太后以爲然以黃門侍郎李神軌

爲大都督帥衆拒之別將鄭季明鄭先護將兵守河橋

帥讀曰率  
將即亮翻武衛將軍費穆屯小平津先護儼之從祖兄

弟也榮至河內復遣王相密至洛迎長樂王子攸復扶  
又翻

下榮  
復同夏四月丙申子攸與兄彭城王劬弟霸城公子正

潛自高渚渡河考異曰楊銜之洛陽伽藍  
記高渚作雷波今從魏書丁酉會榮

於河陽將士咸稱萬歲戊戌濟河子攸即帝位帝彭城  
王勳之

第三 以劬爲無上王

劬彭城嫡嗣且魏主兄也封爲無上王言其尊無上也有君而言無

上君子是以知魏主之不終也

子正爲始平王以榮爲侍中都督中外

諸軍事大將軍尚書令領軍將軍領左右封太原王

左領

右領左右千牛備身也

鄭先護素與敬宗善聞帝即位與鄭李明

開城納之李神軌至河橋聞北中不守

晉杜預建河橋於富平津河北

側岸有二城相對魏高祖置北中郎府徙諸從隸府戶并羽林虎賁領隊防之北中不守可以平行至洛陽矣

宋白曰北中城即今河陽城

即遁還費穆棄衆先降於榮

降戶徐紇

矯詔夜開殿門取驊騮厩御馬十匹

驊騮駿馬也故東魏以名御馬廐

奔兗州

將依羊侃也爲侃與紇南歸張本

鄭儼亦走還鄉里

鄭儼滎陽開封人

太后盡召肅宗後宮皆令出家太后亦自落髮榮召百

官迎車駕已亥百官奉璽綬備法駕迎敬宗於河橋

璽斯

氏翻綬音受

考異曰伽藍記云十二日爾朱榮軍于

邙山之北河陰之野十三日召百官迎駕至者盡誅之

長歷是月戊子朔十二日已亥也今從魏書

庚子榮遣騎執太后及幼主送

至河陰

騎奇寄翻

太后對榮多所陳說榮拂衣而起沈太后

及幼主於河費穆密說榮曰公士馬不出萬人今長驅

向洛前無橫陳既無戰勝之威羣情素不厭服

沈持林翻說式

苗翻陳讀曰  
陳厭於葉翻

以京師之衆百官之盛知公虛實有輕侮

之心若不大行誅罰更樹親黨恐公還北之日未度太

行而內變作矣

更工衡翻  
行戶剛翻

榮心然之謂所親慕容紹宗

曰洛中人士繁盛驕侈成俗不加芟翦終難制馭

芟所  
衡翻

吾欲因百官出迎悉誅之何如紹宗曰太后荒淫失道

嬖倖弄權殺亂四海

殺雜也錯也嬖卑  
義翻又博計翻

故明公興義兵

以清朝廷今無故殲夷多士不分忠佞

殲息  
廉翻

恐大失天

下之望非長策也榮不聽乃請帝循河西至洶渚

水經  
注孟

津又曰富平津又謂之陶河杜畿試樓船於孟津覆於陶河即此也按爾朱榮傳陶渚在河陰西北三里南北長堤之西魏紀洵作陶杜佑曰河南河陽縣西南十三里有古遮馬堤即其處引百官於行宮

西北云欲祭天百官既集列胡騎圍之責以天下喪亂

肅宗暴崩皆由朝臣貪虐不能匡弼

騎奇寄翻喪息浪翻朝直遙翻

因

縱兵殺之自丞相高陽王雍司空元欽儀同三司義陽

王略以下死者二千餘人

考異曰北史云榮惑費穆之言謂天下乘機可取乃謫

朝士共爲盟誓將向河陰西北三里至南北長堤悉命下馬西度即遣胡騎圍之妄言丞相高陽王反殺王公二千餘人榮傳一千三百餘人今從魏紀前黃門郎王遵業兄弟居父喪其

母敬宗之從母也相帥出迎俱死遵業慧龍之孫也

劉裕

得晉權殺王愉其孫慧龍奔魏著功名於南鄙從才用翻帥讀曰率

儁爽涉學時人惜其

才而譏其躁

躁則到翻

有朝士百餘人後至榮復以胡騎圍

之令曰有能爲禪文者免死侍御史趙元則出應募遂

使爲之

考異曰北史曰時隴西李神儁頓丘李諧太原溫子昇並當世辭人皆在圍中恥從是命俯

伏不應按神儁等不應何得不死魏書本傳皆無其事

榮又令其軍士言元氏既

滅爾朱氏興皆稱萬歲榮又遣數十人拔刀向行宮帝

與無上王劼始平王子正俱出帳外榮先遣并州人郭

羅刹西部高車叱列殺鬼侍帝側

刹初轄翻

詐言防衛抱帝

入帳餘人即殺劬及子正又遣數十人遷帝於河橋置

之幕下帝憂憤無計使人諭旨於榮曰帝王迭興盛衰

無常今四方瓦解將軍奮袂而起所向無前此乃天意

非人力也我本相投志在全生豈敢妄希天位

希望也

將

軍見逼以至於此若天命有歸將軍宜時正尊號若推

而不居

推吐雷翻

存魏社稷亦當更擇親賢而輔之

更工衡翻

時

都督高歡勸榮稱帝

武

考異曰魏爾朱榮傳曰於是獻王與外兵參軍司馬子如等切

諫陳不可之理榮曰愆誤若是唯當以死謝朝廷今日安危之機計將何出獻武王等曰未若還奉長樂以安天下於是還奉莊帝北齊書神武紀云榮將篡位神武諫恐不聽請鑄像卜之鑄不成乃止蓋魏收與北齊史官欲爲神武掩此惡故云爾今從周書賀拔岳傳

左右多同之榮疑未決賀拔

岳進曰將軍首舉義兵志除姦逆大勲未立遽有此謀

正可速禍未見其福榮乃自鑄金爲像凡四鑄不成功

曹參軍燕郡劉靈助善卜筮

漢高祖定天下燕仍爲國昭帝改爲廣陽郡後漢光

武併上谷和帝復爲廣陽郡晉爲廣陽國魏爲燕郡燕因肩

翻榮信之靈助言天時人

事未可榮曰若我不吉當迎天穆立之靈助曰天穆亦



不吉唯長樂王有天命耳榮亦精神恍惚不自支持久

而方寤

史言天位不可以詐力  
奸恍呼廣翻惚音忽

深思愧悔曰過誤若是

唯當以死謝朝廷賀拔岳請殺高歡以謝天下左右曰

歡雖復愚疎言不思難

復扶又翻下更  
復同難乃旦翻

今四方多事須

藉武將

將即亮翻

請捨之收其後效榮乃止夜四更復迎帝

還營

更工衡翻

榮望馬首叩頭請死榮所從胡騎殺朝士既

多不敢入洛城即欲向北爲遷都之計榮狐疑甚久武

衛將軍汎禮固諫

皇甫謐云汎本姓凡遭秦亂  
避地於汜水因氏焉汎音凡

辛丑榮

奉帝入城帝御太極殿下詔大赦改元建義從太原王

將士普加五階在京文官二階武官三階百姓復租役

三年

復方目  
翻除也

時百官蕩盡存者皆竄匿不出唯散騎常

侍山偉一人拜赦於闕下

山偉稱頌元义而得進其人  
可知特乾沒以苟一時之利

祿洛中士民草草

詩巷伯曰勞人草草注云草草勞  
心也箋云草草憂將妄得罪也

人

懷異慮或云榮欲縱兵大掠或云欲遷都晉陽富者棄

宅貧者襁負率皆逃竄什不存一二

襁居  
兩翻

直衛空虛官

守曠廢

守手又翻  
曠空也

榮乃上書稱大兵交際難可齊壹諸

王朝貴橫死者衆

橫戶 孟翻

臣今粉軀不足塞咎

塞悲 則翻

乞追

贈亡者微申私責無上王稱追尊爲無上皇帝自餘死

于河陰者王贈三司三品贈令僕五品贈刺史七品已

下白民贈郡鎮

身無官爵謂之白民猶言白丁也郡鎮郡守鎮將也

死者無後聽

繼即授封爵又遣使者循城勞問

勞力 到翻

詔從之於是朝

士稍出人心粗安

粗坐 五翻

封無上王之子韶爲彭城王榮

猶執遷都之議帝亦不能違都官尚書元譔爭之以爲

不可

漢成帝置三公曹尚書主斷獄光武改三公曹主考課置中都官曹尚書主水火盜賊事魏置尚書

都官郎佐督軍事晉以三公尚書掌刑獄宋三公比部  
主刑法又置都官尚書主軍事刑獄至隋乃改都官尚  
書爲刑部尚書書諡氏壬翻榮怒曰何關君事而固執也且河陰之事

君應知之諶曰天下事當與天下論之奈何以河陰之

酷而恐元諶諶國之宗室位居常伯尚書古常伯之任生既無

益死復何損復扶又翻正使今日碎首流腸亦無所懼榮大

怒欲抵諶罪爾朱世隆固諫乃止見者莫不震悚諶顏

色自若後數日帝與榮登高見宮闕壯麗列樹成行行戶

剛翻乃歎曰臣昨愚闇有北遷之意今見皇居之盛熟思

元尚書言深不可奪由是罷遷都之議謚之兄也癸卯以江陽王繼爲太師北海王顥爲太傅光祿大夫李延寔爲太保賜爵濮陽王并州刺史元天穆爲太尉賜爵上黨王前侍中楊椿爲司徒車騎大將軍穆紹爲司空領尚書令進爵頓丘王雍州刺史長孫稚爲驃騎大將軍開府儀同三司賜爵馮翊王

雍於用翻長知兩翻驃匹妙翻騎奇寄翻

殿中尚書元謚爲尚書右僕射賜爵魏郡王金紫光祿大夫廣陵王恭加儀同三司其餘起家暴貴者不可勝

數延寔冲之子也

李冲柄用於文明孝文之時勝音升

以帝舅故得超拜

徐紇弟獻伯爲北海太守李產爲青州長史紇使人告

之皆將家屬逃去與紇俱奔泰山

泰山郡屬兗州所謂東奔兗州也

鄭

儼與從兄滎陽太守仲明謀據郡起兵

從才用翻

爲部下所

殺丁未詔内外解嚴

魏郢州刺史元顯達請降

降戶江翻

詔郢州刺史元樹迎之

魏克義陽以梁之司州爲郢州梁之郢州治江夏郡

夏侯

夔亦自楚城往會之遂留鎮焉改魏郢州爲北司州以

夔爲刺史兼督司州

梁初義陽陷僑置司州于關南今黃州黃陂縣之地既復義陽因以

爲北  
司州

夔進攻毛城逼新蔡豫州刺史夏侯亶圍南頓攻

陳項魏行臺源子恭拒之 庚戌魏賜爾朱榮子乂羅

爵梁郡王 柔然頭兵可汗數入貢于魏

可從刊入聲  
汗音寒數所

角翻魏詔頭兵贊拜不名上書不稱臣 魏汝南王悅及

東道行臺臨淮王彧聞河陰之亂皆來奔先是魏人降

者皆稱魏官爲僞

先悉  
薦翻

彧表啓獨稱魏臨淮王上亦體

其雅素不之責魏北海王顥將之相州至汲郡聞葛榮

南侵及爾朱榮縱暴陰爲自安之計盤桓不進以其舅

殷州刺史范遵行相州事代前刺史李神守鄴行臺甄

密知顯有異志相帥廢遵

甄之人翻帥讀曰率

復推李神攝州事

復扶又翻

遣兵迎顯且察其變顯聞之帥左右來奔

爲後送顯北還

張本帥讀曰率

密琛之從父弟也

甄琛事魏宣武帝從才用翻

北青州刺史

元世儁南荊州刺史李志皆舉州來降

魏北青州治東陽去梁境甚遠

五代志東海郡梁置南北二青州郡領懷仁縣又注云梁置南北二青州意者元世儁以懷仁之地來降也志

又曰春陵郡後魏置南荊州降戶江翻

五月丁巳朔魏加爾朱榮北道

大行臺以尚書右僕射元羅爲東道大使

使疏吏翻

光祿勳



元欣副之巡方黜陟先行後聞欣羽之子也

羽孝文帝之弟封廣

陵王

爾朱榮入見魏主於明光殿

見賢遍翻下朝見同

重謝河橋

之事

重直用翻

誓言無復貳心帝自起止之因復爲榮誓言

無疑心

復扶又翻下不復同爲于偽翻

榮喜因求酒飲之熟醉帝欲誅

之左右苦諫乃止即以牀舉向中常侍省

舉羊茹翻舉車爲舉

榮

夜半方寤遂達旦不眠自此不復禁中宿矣榮女先爲

肅宗嬪榮欲敬宗立以爲后帝疑未決黃門侍郎祖瑩

曰昔文公在秦懷嬴入侍事有反經合義

左傳晉世子圉質于秦秦

伯以女妻之子圉逃歸公子重耳入秦秦納女五人懷  
嬴與焉秦嬴氏也圉謚懷公故曰懷嬴漢儒以反經合  
道爲權祖瑩本  
此嬪毗賓翻 陛下獨何疑焉帝遂從之榮意甚悅榮

舉止輕脫喜馳射

喜許記翻

每入朝見更無所爲唯戲上下

馬於西林園宴射恒請皇后出觀并召王公妃主共在

一堂每見天子射中輒自起舞叫將相卿士悉皆盤旋

上時掌翻恒戶登翻中竹仲翻將即亮翻相息亮翻

乃至妃主亦不免隨之舉袂

及酒酣耳熱必自匡坐唱虜歌

匡坐正坐也虜歌胡歌也

日暮罷歸

與左右連手蹋地唱回波樂而出

此所謂蹋歌也回波樂曲名樂音洛性

甚嚴暴喜愠無常刀槊弓矢不離於手

槊色角翻離力智翻

每有

瞋嫌

瞋昌真翻

輒行擊射

射而亦翻

左右恒有死憂

恒戶登翻

嘗見沙

彌重騎一馬

去俗爲僧受度而未受戒者謂之沙彌重騎者二人共騎也重直龍翻

榮即

令相觸力窮不能復動

復扶文翻

遂使傍人以頭相擊死而

後已辛酉榮還晉陽帝餞之於却陰

却陰却山之北也

榮令元

天穆入洛陽加天穆侍中錄尚書事京畿大都督兼領

軍將軍以行臺郎中桑乾朱瑞爲黃門侍郎兼中書舍

人朝廷要官悉用其腹心爲之 丙寅魏主詔孝昌以

來凡有冤抑無訴者悉集華林東門當親理之時承喪

亂之後

喪息浪翻

倉廩虛竭始詔入粟八千石者賜爵散侯

此有官入粟者之賜也魏制散侯降開國侯一品散悉宜翻

白民輸五百石者賜出

身沙門授本州統及郡縣維那

維那各管其郡縣之僧

爾朱榮之

趣洛也

趣七喻翻

遣其都督樊子鵠取唐州唐州刺史崔元

珍行臺鄺惲拒守不從乙亥子鵠拔平陽斬元珍及惲

惲於粉翻

元珍挺之從父弟也

從才用翻

將軍曹義宗圍魏荆

州堰水灌城不沒者數板時魏方多難不能救

難乃旦翻

城

中糧盡刺史王羆煮粥與將士均分食之每出戰不擐

甲胄仰天大呼曰

擐音宦呼火故翻

荊州城孝文皇帝所置

魏孝

文太和中置荊州於穰城

天若不祐國家令箭中王羆額不爾王羆

必當破賊彌歷三年前後搏戰甚衆亦不被傷

中竹仲翻被皮

義翻癸未魏以中軍將軍費穆都督南征諸軍事將兵救

之將即亮翻

魏臨淮王彧聞魏主定位乃以母老求還辭

情懇至上惜其才而不能違六月丁亥遣彧還魏以彧

爲侍中驃騎大將軍加儀同三司

驃匹妙翻騎奇奇翻

魏員外

散騎常侍高乾祐之從子也

高祐允之從祖弟從才用翻

與弟敖曹

季式皆喜輕俠

喜許記翻

與魏主有舊爾朱榮之向洛也逃

奔齊州聞河陰之亂遂集流民起兵於河濟之間受葛

榮官爵頻破州軍魏主使元欣諭旨乾等乃降

濟子禮翻降戶

江以乾爲給事黃門侍郎兼武衛將軍敖曹爲通直散

騎侍郎榮以乾兄弟前爲叛亂不應復居近要魏主乃

聽解官歸鄉里敖曹復行抄掠

復扶又翻抄楚交翻

榮誘執之與

薛修義同拘於晉陽

薛修義爲龍門鎮將附蕭寶寅既降而反側故亦被拘誘音酉

敖

曹名昂以字行

教曹之父以其子昂藏教曹故以爲名字

葛榮軍乏食遣

其僕射任褒將兵南掠至沁水

沁水縣自漢以來屬河內郡任音壬沁午浸翻

魏以元天穆爲大都督東北道諸軍事帥宗正珍孫等

討之

帥讀曰率下同

前幽州平北府主簿河間邢杲帥河北流

民十萬餘戶反於青州之北海自稱漢王改元天統戊

申魏以征東將軍李叔仁爲車騎大將軍儀同三司帥

衆討之辛亥魏主詔曰朕當親御六戎

戎兵也六戎猶言六軍也掃

靜燕代

燕因肩翻

以大將軍爾朱榮爲左軍上黨王天穆爲

前軍司徒楊椿爲右軍司空穆紹爲後軍葛榮退屯相

州之北

相息亮翻

秋七月乙丑魏加爾朱榮柱國大將軍

錄尚書事

魏初置柱國大將軍長孫嵩以開國元勳加此號

壬子魏光州民

劉舉聚衆反於濮陽

濮博木翻

自稱皇武大將軍 是月万

俟醜奴自稱天子置百官會波斯國獻師子於魏

波斯國都

宿利城在忸密西古條支國也去代都二萬四千二百二十八里

醜奴留之改元神獸

魏泰山太守羊侃

守式又翻

以其祖規嘗爲宋高祖祭酒

從事常有南歸之志徐紇往依之因勸侃起兵侃從之



兗州刺史羊敦侃之從兄也

從才用翻

密知之據州拒侃八

月侃引兵襲敦弗克

魏兗州刺史治瑕丘泰山太守治博

築十餘城守之

且遣使來降

使疏吏翻降戶江翻

詔廣晉縣侯泰山羊鴉仁等將

兵應接

沈約志鄱陽郡有廣晉縣本吳所置廣昌縣晉武帝太康元年更名廣晉

魏以侃爲

驃騎大將軍泰山公兗州刺史侃斬其使者不受將軍

王弁侵魏徐州蕃郡民續靈珍擁衆萬人攻蕃郡以應

梁

魏徐州治彭城領彭城南陽平蕃沛蘭陵北濟陰碭郡蕃縣漢晉屬魯國魏孝昌三年置蕃郡治蕃城五

代志徐州滕縣舊曰蕃置蕃郡隋開皇十六年改曰滕郡尋廢郡爲縣蕃音反又音翻

魏徐州刺

史楊昱擊靈珍斬之并引還 甲辰魏大都督宗正珍

孫擊劉舉於濮陽滅之 葛榮引兵圍鄴衆號百萬遊

兵已過汲郡汲郡隋唐之衛州所至殘掠爾朱榮啓求討之九

月爾朱榮召從子肆州刺史天光留鎮晉陽曰我身不

得至處非汝無以稱我心從才用翻自帥精騎七千馬

皆有副魏收魏書云帥騎七萬倍道兼行東出滏口以

侯景爲前驅滏音葛榮爲盜日久梁普通七年葛榮得

北河橫行河北爾朱榮衆寡非敵議者謂無取勝之理葛

榮聞之喜見於色

見賢遍翻

令其衆曰此易與耳

易弋鼓翻

諸人

俱辦長繩至則縛取自鄴以北列陳數十里箕張而進

如箕之張也

陳讀曰陣

爾朱榮潛軍山谷爲奇兵分督將已上三

人爲一處處有數百騎令所在揚塵鼓譟使賊不測多

少

將即亮翻少詩沼翻

又以人馬逼戰刀不如棒勒軍士齎袖棒

一枚置於馬側至戰時慮廢騰逐不聽斬級

斬級者斬首以計功

級

以棒棒之而已

項棒蒲翻

分命壯勇所向衝突號令嚴明

戰士同奮爾朱榮身自陷陳出於賊後表裏合擊大破

之於陳擒葛榮

陳讀曰陣

餘衆悉降

降戶江翻

以賊徒既衆若即

分割恐其疑懼或更結聚乃下令各從所樂

樂音洛

親屬

相隨任所居止於是羣情大喜登即四散

登者登時也

數十

萬衆一朝散盡待出百里之外乃始分道押領隨便安

置咸得其宜擢其渠帥量才授任新附者咸安時人服

其處分機速

帥所類翻量音良處昌呂翻分扶問翻

以檻車送葛榮赴洛

冀定滄瀛殷五州皆平時上黨王天穆軍於朝歌之南

穆紹楊椿猶未發而葛榮已滅乃皆罷兵

是年夏魏主將北征以爾

朱榮爲左軍楊椿爲右軍穆紹爲後軍

初宇文肱從鮮于修禮攻定州戰

死于唐河

魏收志定州中山郡唐縣有唐水水經唐水導源盧奴縣西北東流至唐城西北隅竭而

爲河其水南入小溝下注涇水

其子泰在修禮軍中修禮死從葛榮葛

榮敗爾朱榮愛泰之才以爲統軍

宇文泰事始此

乙亥魏大赦

改元永安辛巳以爾朱榮爲大丞相都督河北畿外諸

軍事榮子平昌公文殊昌樂公文暢並進爵爲王

樂音洛

以楊椿爲太保城陽王徽爲司徒冬十月丁亥葛榮至

洛魏主御闔闔門

洛城西面有廣陽西明闔闔三門又洛陽宮城門曰闔闔注已見八十四

卷晉惠帝  
太安元年

引見斬於都市

帝以魏北海王顥爲魏王

遣東宮直閣將軍陳慶之將兵送之還北

將即亮翻  
考異曰梁魏

帝紀皆云以顥爲魏主唯顥傳作魏王按魏封劉昶爲  
宋王蕭寶寅爲齊王蕭譽爲梁王皆俟得國然後使稱  
帝耳若顥在南已稱魏帝當行即位之禮又梁朝應以  
客禮待之又顥不應再即帝位於渙水蓋由王字與主  
字止欠一點故多  
致謬誤今從顥傳

丙申魏以太原王世子爾朱菩提

爲驃騎大將軍開府儀同三司

菩薄  
乎翻

丁酉以長樂等七

郡各萬戶通前十萬戶爲太原王榮國

樂音  
洛

戊戌又加

榮太師皆賞擒葛榮之功也

壬子魏江陽武烈王繼

卒 魏使征虜將軍韓子熙招諭邢杲杲詐降而復反

降戶江翻 復扶又翻 李叔仁擊杲於惟水 惟水當作濰水水經濰

東武城縣西又北過平昌縣東又北過高密縣西又北  
過濰于縣東又東北過下密縣故城西又東北過都昌  
縣東又東北入于海五代志後魏北海郡膠東  
縣隋改曰濰水縣後又改曰下密縣濰音惟 失利而

還 還從宣翻 又如字 魏費穆奄至荊州曹義宗軍敗爲魏所

擒荊州之圍始解 荊州受圍 三年始解 元顥襲魏鉉城而據之

鉉縣漢屬沛郡魏晉屬譙郡宋白曰 宿州臨渙縣漢鉉縣地鉉竹乙翻 魏行臺尚書左

僕射于暉等兵數十萬擊羊侃於瑕丘 劉昫曰瑕丘春秋時魯之瑕邑

宋以爲兗州治所

隋始置瑕丘縣 徐紇恐事不濟說侃請乞師於梁

說式

芮 侃信之紇遂來奔暉等圍侃十餘重

重直龍翻

柵中矢盡

南軍不進十一月癸亥夜侃潰圍出且戰且行一日一

夜乃出魏境至渣口

水經引郡國志曰偃陽有祖水南亂于沂而注于沐謂之祖口春秋

諸侯會吳于祖即此渣側加翻

衆尚萬餘人馬二千匹士卒皆竟夜悲

歌侃乃謝曰卿等懷土理不能相隨幸適去留

言或去或留各

從其意也於此爲別各拜辭而去魏復取泰山

復扶又翻

暉

勁之子也

于勁事魏孝文帝

戊寅魏以上黨王天穆爲大將



軍開府儀同三司世襲并州刺史 十二月庚子魏詔

于暉還師討邢杲 葛榮餘黨韓樓復據幽州反

爲爾朱榮

遣將平韓樓張本復扶又翻

北邊被其患

被皮義翻

爾朱榮以撫軍將軍

賀拔勝爲大都督鎮中山樓畏勝威名不敢南出

資治通鑑卷一百五十二

欽定四庫全書薈要卷七千一百三十九

史部

資治通鑑卷一百五十三 宋 司馬光 撰

胡三省 音註

梁紀九

屠維作  
丑一年

高祖武皇帝九

中大通元年

是年十月  
方改元

春正月甲寅魏于暉所部都督

彭樂帥二千餘騎叛犇韓樓暉引還

不敢復進軍討邢  
杲帥讀曰率騎奇

寄 辛酉上祀南郊大赦 甲子魏汝南王悅求還國

許之

悅來奔見上卷上年

辛巳上祀明堂

二月甲午魏主尊

彭城武宣王爲文穆皇帝廟號肅祖母李妃爲文穆皇

后將遷神主於太廟以高祖爲伯考大司馬兼錄尚書

臨淮王彧表諫以爲漢高祖立太上皇廟於香街

香街在漢

長安故城內左馮翊府東北

光武祀南頓君於春陵

事見四十三卷建武十九年

元帝之於光武已疏絕服

服至袒免則無服謂之絕服

猶身奉子道

入繼大宗

漢元帝以太宗則上距景帝七世光武上接景帝亦數數之則上距景帝七世

七世五服之次親盡無服而光武中興以赤九會昌之符繼元帝爲九世而別爲春陵節侯以下立四親廟於

春陵高祖德洽寰中道超無外肅祖雖勲格宇宙猶北面

爲臣又二后皆將配饗乃是君臣並筵嫂叔同室竊謂

不可吏部尚書李神儁亦諫不聽或又請去帝著皇

請去

帝著皇亦引漢悼皇共皇爲據去羗呂翻著則畧翻

亦不聽

詔更定二百四十

號將軍爲四十四班

天監七年定將軍爲二十四班是年有司奏移寧遠將軍班中明威

將軍進輕車班中以輕車班中征遠度入寧遠班中又置安遠將軍代貞武宣遠代明烈其戎夷之號亦加附擬選序則依此承用遂以定制轉則進一班黜則退一班班即階也同班以優劣爲前後有鎮衛驃騎車騎同班四中四征同班八安同班四平四翊同班忠武軍師同班武臣爪牙龍騎雲麾冠軍同班鎮兵翊師宣毅宣

|   |   |   |   |   |   |   |   |   |   |   |   |   |   |   |   |
|---|---|---|---|---|---|---|---|---|---|---|---|---|---|---|---|
| 威 | 風 | 銳 | 光 | 烈 | 忠 | 武 | 驍 | 毅 | 猛 | 威 | 威 | 遠 | 將 | 威 | 惠 |
| 決 | 烈 | 飄 | 勝 | 明 | 毅 | 雄 | 銳 | 壯 | 略 | 武 | 力 | 宣 | 軍 | 嚴 | 四 |
| 勝 | 電 | 奇 | 光 | 威 | 忠 | 勇 | 驍 | 志 | 猛 | 銳 | 威 | 遠 | 輕 | 威 | 將 |
| 清 | 威 | 飄 | 銳 | 雷 | 勇 | 雄 | 名 | 壯 | 勝 | 武 | 光 | 同 | 車 | 同 | 軍 |
| 野 | 音 | 決 | 光 | 音 | 忠 | 毅 | 驍 | 意 | 駿 | 勇 | 同 | 班 | 振 | 班 | 東 |
| 堅 | 馳 | 飄 | 命 | 馳 | 信 | 雄 | 勝 | 壯 | 同 | 同 | 班 | 威 | 朔 | 智 | 西 |
| 銳 | 銳 | 起 | 光 | 銳 | 忠 | 壯 | 驍 | 力 | 同 | 班 | 武 | 雄 | 武 | 武 | 南 |
| 輕 | 追 | 飄 | 勇 | 追 | 義 | 雄 | 迅 | 同 | 班 | 猛 | 猛 | 威 | 旅 | 仁 | 北 |
| 銳 | 鋒 | 畧 | 光 | 鋒 | 忠 | 健 | 同 | 班 | 壯 | 毅 | 武 | 猛 | 貞 | 武 | 四 |
| 拔 | 羽 | 飄 | 戎 | 羽 | 勝 | 同 | 班 | 驍 | 武 | 猛 | 略 | 烈 | 毅 | 武 | 中 |
| 山 | 騎 | 勝 | 光 | 騎 | 同 | 班 | 雄 | 雄 | 壯 | 烈 | 武 | 威 | 明 | 信 | 郎 |
| 雲 | 突 | 飄 | 野 | 突 | 班 | 忠 | 猛 | 驍 | 勇 | 猛 | 勝 | 振 | 威 | 武 | 將 |
| 勇 | 騎 | 出 | 同 | 騎 | 明 | 勇 | 雄 | 桀 | 壯 | 威 | 武 | 威 | 同 | 嚴 | 同 |
| 振 | 同 | 同 | 班 | 同 | 智 | 忠 | 威 | 驍 | 烈 | 猛 | 力 | 信 | 班 | 武 | 班 |
| 旅 | 班 | 龍 | 飄 | 班 | 明 | 烈 | 雄 | 猛 | 壯 | 銳 | 武 | 威 | 寧 | 同 | 智 |
| 同 | 開 | 驤 | 勇 | 開 | 略 | 忠 | 明 | 驍 | 猛 | 猛 | 毅 | 勝 | 遠 | 武 | 威 |
| 班 | 遠 | 虎 | 飄 | 遠 | 明 | 猛 | 雄 | 烈 | 壯 | 震 | 武 | 安 | 安 | 班 | 仁 |
| 超 | 略 | 視 | 烈 | 略 | 明 | 忠 | 烈 | 驍 | 銳 | 猛 | 健 | 遠 | 遠 | 謂 | 威 |
| 武 | 遠 | 雲 | 飄 | 遠 | 勇 | 銳 | 雄 | 武 | 壯 | 進 | 武 | 征 | 征 | 爲 | 勇 |
| 鐵 | 貞 | 旗 | 飄 | 貞 | 明 | 忠 | 信 | 驍 | 盛 | 智 | 烈 | 威 | 振 | 五 | 威 |
| 騎 |   |   |   |   | 明 | 壯 | 雄 | 勇 | 壯 |   | 武 | 風 |   | 德 | 信 |

樓船宣猛樹功克敵平虜稜威昭威威戎同班伏波雄  
戟長劍衝冠雕騎快飛勇騎破敵克敵威虜同班前鋒  
武毅開邊招遠全威破陣蕩寇殄虜橫野馳射同班牙  
門期門同班侯騎熊渠同班中堅典戎同班執訊行陣  
同班伏武懷奇同班偏裨將軍同  
班凡二百四十號爲四十四班

壬寅魏詔濟陰王

暉業兼行臺尚書

濟子禮翻 考異曰梁書作微業今從魏書

都督丘大千

等鎮梁國暉業小新成之曾孫也

小新成見一百二十九卷宋孝武帝大明

五年 三月壬戌魏詔上黨王天穆討邢杲以費穆爲前

鋒大都督 夏四月癸未魏遷肅祖及文穆皇后神主

于太廟又追尊彭城王邵爲孝宣皇帝臨淮王彧諫曰

茲事古所未有

言自古未有以皇帝追尊其兄者今按自唐高宗以後率多追謚其子弟爲皇

帝作俑者魏敬宗也

陛下作而不法後世何觀

用左傳曹劌語意

弗聽

魏元天穆將擊邢杲以北海王顥方入寇集文武議之

衆皆曰杲衆彊盛宜以爲先行臺尚書薛琠曰

琠昌

邢

杲兵衆雖多鼠竊狗偷非有遠志顥帝室近親

顥北海王詳之

子於魏主從兄弟也

來稱義舉其勢難測宜先去之

去羌呂翻

天穆以

諸將多欲擊杲又魏朝亦以顥爲孤弱不足慮

將即亮翻朝直

遙翻命天穆等先定齊地還師擊顥遂引兵東出顥與陳



慶之乘虛自鉅城進拔滎城遂至梁國

水經注春秋沙隨之地杜預注

以爲即梁國寧陵縣北之沙陽亭俗謂之堂城滎堂字相近意即此地而字訛也鉅陟栗翻

魏丘大

千有衆七萬分築九城以拒之慶之攻之自旦至申拔

其三壘大千請降

降戶江翻下同

顓登壇燔燎即帝位於睢陽

城南改元孝基

睢音雖行以顓爲

考異曰魏帝紀去年十月蕭主號年孝基入據鉅城顓

傳永安二年四月于梁國城南登壇燔燎年號孝基今從之

濟陰王暉業帥羽林兵

二萬軍考城

前漢梁國有甾縣後漢章帝更名考城屬陳留郡晉省宋屬濟陽郡五代志曰梁郡

考城縣後魏曰考陽置北梁郡隋復爲考城縣屬宋州帥讀曰率

慶之攻拔其城禽暉

業

考異曰魏書帝紀克考城在辛丑後今從梁帝紀

辛丑魏上黨王天穆及

爾朱兆破邢杲於濟南

濟子禮翻

杲降送洛陽斬之兆榮之

從子也

從才用翻

五月丁巳魏以東南道大都督楊昱鎮

滎陽尚書僕射爾朱世隆鎮虎牢侍中爾朱世承鎮崕

崕

崕五各翻崕與坂同音反

乙丑內外戒嚴戊辰北海王顥克梁國

顥以陳慶之爲衛將軍徐州刺史引兵而西

引兵而西直指洛陽

楊昱擁衆七萬據滎陽慶之攻之未拔顥遣人說昱使

降昱不從

說式芮翻

天穆與驃騎將軍爾朱吐沒兒將大軍

前後繼至

驃匹妙翻騎奇寄  
翻將即亮翻下同

梁士卒皆恐慶之解鞍秣

馬諭將士曰吾至此以來屠城略地實爲不少

少詩  
治翻

君

等殺人父兄掠人子女亦無筭矣天穆之衆皆是仇讐

我輩衆纔七千虜衆三十餘萬今日之事唯有必死乃

可得生耳虜騎多不可與之野戰當及其未盡至急攻

取其城而據之諸君勿或狐疑自取屠膾乃鼓之使登

城將士即相帥蟻附而入

帥讀  
曰率

癸酉拔榮陽執楊昱

楊  
昱

輕慶之兵少不料其肉薄急攻故城陷傳曰  
敵無小不可輕也又曰不備不虞不可以師諸將三百

餘人伏顯帳前請曰陛下渡江三千里無遺鏃之費昨

柴陽城下一朝殺傷五百餘人願乞楊昱以快衆意顯

曰我在江東聞梁主言初舉兵下都袁昂爲吳郡不降

每稱其忠節

事見一百四十四卷齊和帝中興元年降戶江翻

楊昱忠臣奈何

殺之此外唯卿等所取於是斬昱所部統帥三十七人

皆剗其心而食之

帥所類翻

俄而天穆等引兵圍城慶之帥

騎三千背城力戰大破之

帥讀曰率背蒲妹翻

天穆吐沒兒皆走

慶之進擊虎牢爾朱世隆棄城走獲魏東中郎將辛纂

魏東中郎府在虎牢

魏主將出避顓未知所之或勸之長安中書

舍人高道穆曰關中荒殘何可復往

又復扶顓

士衆不多

乘虛深入由將帥不得其人故能至此陛下親帥宿衛

將即亮翻帥所類翻親帥讀曰率

高募重賞背城一戰臣等竭其死力

破顓孤軍必矣或恐勝負難期則車駕不若渡河徵大

將軍天穆大丞相榮各使引兵來會犄角進討

犄居蟻翻

旬

月之間必見成功此萬全之策也魏主從之甲戌魏主

北行夜至河內郡北

河內郡治野王魏主自洛北如河內當夜至郡城南不應至郡城北

恐誤命高道穆於燭下作詔書數十紙布告遠近於是四

方始知魏主所在乙亥魏主入河內臨淮王或安豐王

延明帥百僚封府庫備法駕迎顥

考異曰或傳無迎顥事而梁陳慶之北

齊宋遊道傳有之蓋魏史爲或諱也

丙子顥入洛陽宮改元建武大赦以

陳慶之爲侍中車騎大將軍增邑萬戶楊椿在洛陽椿

弟順爲冀州刺史兄子侃爲北中郎將從魏主在河北

顥意思椿而以其家世顯重恐失人望未敢誅也

楊椿

兄弟仕魏一門貴盛子姪通顯累朝榮赫侃播之子也

或勸椿出亡椿曰吾內外

百口何所逃匿正當坐待天命耳顓後軍都督侯暄守

睢陽爲後援

睢陽即梁國睢音雖

魏行臺崔孝芬大都督刁宣馳

往圍暄晝夜急攻戊寅暄突走禽斬之上黨王天穆等

帥衆四萬攻拔大梁

大梁即陳留浚儀縣

分遣費穆將兵二萬攻

虎牢顓使陳慶之擊之天穆畏顓將北渡河謂行臺郎

中濟陰溫子昇曰卿欲向洛爲隨我北渡

天穆開兩端以問子昇濟

子禮翻

子昇曰主上以虎牢失守

守式又翻

致此狼狽元顓新

入人情未安今往擊之無不克者大王平定京邑奉迎

大駕此桓文之舉也捨此北渡竊爲大王惜之

爲于  
僞翻

天

穆善之而不能用遂引兵渡河費穆攻虎牢將拔聞天

穆北渡自以無後繼遂降於慶之

降戶  
江翻

慶之進擊大梁

梁國皆下之

睢陽即梁國  
下遐稼翻

慶之以數千之衆自發鉅縣

至洛陽凡取三十二城四十七戰所向皆克顥使黃門

郎祖瑩作書遺魏主曰

遺于  
季翻

朕泣請梁朝誓在復恥正

欲問罪於爾朱出卿於桎梏

朝直遙翻  
日翻桎梏苦沃翻

卿託命豺

狼委身虎口假獲民地本是榮物固非卿有

顥言爾朱  
榮擅命顥



所得一民尺地皆爾未  
榮之物非魏主之有

今國家隆替在卿與我若天道

助順則皇魏再興脫或不然在榮爲福於卿爲禍卿宜

三復

三蘇暫翻  
復扶又翻

富貴可保顥既入洛自河以南州郡多

附之齊州刺史沛郡王欣集文武議所從曰北海長樂

俱帝室近親

顥北海王詳之子魏主彭城王  
勰之子同出於顯祖樂音洛

今宗祏不

移

杜預曰宗祏今廟中  
藏主石室也祏音石

我欲受赦諸君意何如在坐莫

不失色

坐徂  
卧翻

軍司崔光韶獨抗言曰元顥受制於梁引

寇讐之兵以覆宗國此魏之亂臣賊子也豈唯大王家

事所宜切齒下官等皆受朝眷

朝眷謂朝廷恩眷也朝直遙翻

未敢仰

從長史崔景茂等皆曰軍司議是欣乃斬顥使

使疏吏翻下同

光韶亮之從父弟也

崔亮貴顯於延昌熙平之間從才用翻

于是襄州刺

史賈思同

魏孝昌中置襄州領襄城舞陰南安期城宣義建城等郡治赭陽

廣州刺史

鄭先護

魏主置廣州治魯陽領南陽順陽定陵魯陽汝南漢廣襄城郡

南兖州刺史元

暹

魏正光中置南兖州治譙城領陳留梁郡下蔡譙郡北梁郡沛郡馬頭郡

亦不受顥命思

同思伯之弟也

賈思伯見一百四十九卷普通四年

顥以冀州刺史元孚

爲東道行臺彭城郡王孚封送其書於魏主平陽王敬

先起兵於河橋以討顥不克而死魏以侍中車騎將軍

尚書右僕射爾朱世隆爲使持節行臺僕射大將軍相

州刺史鎮鄴城

相息亮翻

魏主之出也單騎而去侍衛後宮

皆案堵如故顥一旦得之號令已出四方人情想其風

政而顥自謂天授遽有驕怠之志宿昔賓客近習咸見

寵待干擾政事日夜縱酒不恤軍國所從南兵陵暴市

里朝野失望高道穆兄子儒自洛陽出從魏主魏主問

洛中事子儒曰顥敗在旦夕不足憂也爾朱榮聞魏主

北出即時馳傳見魏主於長子行且部分魏主即日南

還

爾朱榮既至魏主有所倚以攻顥故即日南還傳張戀翻分扶問翻

榮爲前驅旬日之

間兵衆大集資糧器仗相繼而至六月壬午魏大赦榮

既南下并肆不安乃以爾朱天光爲并肆等九州行臺

九州并肆恒朔雲蔚顯汾晉也

仍行并州事天光至晉陽部分約勒所

部皆安已丑費穆至洛陽顥引入責以河陰之事而殺

之

費穆勸爾朱榮殺王公事見上卷

顥使都督宗正珍孫與河內太守

元襲據河內爾朱榮攻之上黨王天穆引兵會之壬寅

拔其城斬珍孫及襲 辛亥魏淮陰太守晉鴻以湖陽

來降

五代志春陵郡湖陽縣後魏置西  
淮安郡及南襄州淮陰當作淮安

閏月己未南

康簡王績卒 魏北海王顥既得志密與臨淮王彧安

豐王延明謀叛梁以事難未平

難乃  
旦翻

藉陳慶之兵力故

外同內異言多猜忌慶之亦密爲之備說顥曰

說式  
芮翻今

遠來至此未服者尚多彼若知吾虛實連兵四合將何

以禦之宜啓天子

天子謂  
梁武帝

更請精兵并敕諸州有南人

沒此者悉須部送顥欲從之延明曰慶之兵不出數千

已自難制今更增其衆寧肯復爲人用乎

復扶又翻下更復敢復遽

復顥復時復或復同

大權一去動息由人魏之宗廟於斯墜矣顥

乃不用慶之言又慮慶之密啓

慮慶之密啓其事於上

乃表於上

曰今河北河南一時克定唯爾朱榮尚敢跋扈臣與慶

之自能禽討州郡新服正須綏撫不宜更復加兵搖動

百姓上乃詔諸軍繼進者皆停於境上

陳慶之非爾朱榮敵也是時梁

之諸將又皆出慶之下使相與繼進至洛與元顥互相猜阻亦必同歸于陷沒梁兵之不進梁之幸也武帝不務自治而務遠略所以有侯景之禍洛中南兵不滿一萬而羌胡之衆十

倍軍副馬佛念爲慶之曰

凡一軍有主有副爲于僞翻爲慶之謀而言蜀本爲作謂

將軍威行河洛聲震中原功高勢重爲魏所疑一旦變

生不測可無慮乎不若乘其無備殺顥據洛此千載一

時也慶之不從

馬佛念有戰國策士之氣然必有非常之才然後可以行非常之事陳慶之烏

足以辨此載子亥翻

顥先以慶之爲徐州刺史因固求之鎮顥心

憚之不遣曰主上以洛陽之地全相任委忽聞捨此朝

寄

朝寄謂魏朝所寄託也朝直遙翻

欲往彭城謂君遽取富貴不爲國

計

此國計謂爲梁國計

非徒有損於君恐僕并受其責慶之不敢

復言爾朱榮與顥相持於河上慶之守北中城顥自據

南岸

河橋南岸也

慶之三日十一戰殺傷甚衆有夏州義士

爲顥守河中渚

夏戶雅翻水經注曰河中渚上有河平侯祠河之南岸有一碑題曰洛陽北界

意此中渚即唐時河陽之中渾城也爲于偽翻

陰與榮通謀求破橋立効榮引

兵赴之及橋破榮應接不逮顥悉屠之榮悵然失望又

以安豐王延明緣河固守而北軍無船可渡議欲還北

更圖後舉黃門郎楊侃曰大王發并州之日已知夏州

義士之謀指來應之乎爲欲廣施經略匡復帝室乎夫



用兵者何嘗不散而更合瘡愈更戰況今未有所損豈

可以一事不諧而衆謀頓廢乎今四方顓顓

顓顓仰望也顓魚容

翻

視公此舉若未有所成遽復引歸民情失望各懷去

就勝負所在未可知也不若徵發民材多爲桴筏

編竹木以

渡水大者曰桴小者曰筏桴方無翻筏音伐

間以舟楫

間古莧翻下間行同

緣河布列

數百里中皆爲渡勢首尾既遠使顓不知所防一旦得

渡必立大功高道穆曰今乘輿飄蕩主憂臣辱

乘繩證翻

大

王擁百萬之衆輔天子而今諸侯若分兵造筏所在散

渡指掌可克奈何捨之北歸使顥復得完聚徵兵天下

此所謂養虺成蛇悔無及矣

逸書曰爲虺不推爲蛇奈何以文義觀之蓋以虺爲

小蛇榮曰楊黃門已陳此策當相與議之劉靈助言於榮

曰不出十日河南必平伏波將軍正平楊擣

魏以聞喜曲沃二縣

置正平郡隋廢郡爲正平縣今絳州治所擣與標同

與其族居馬渚自言有小船

數艘求爲鄉導

艘蘇遭翻鄉讀曰嚮

戊辰榮命車騎將軍爾朱兆

與大都督賀拔勝縛材爲筏自馬渚西硤石夜渡

五代志河

南熊耳縣有後魏峭縣又有硤石山唐志陝州硤石縣本峭縣有硤石塢

襲擊顥子領軍將

軍冠受擒之安豐王延明之衆聞之大潰顥失據帥麾

下數百騎南走

帥讀曰率騎奇寄翻下同

慶之收步騎數千結陳東

還

陳讀曰陣

顥所得諸城一時復降於魏爾朱榮自追陳慶

之會嵩高水漲

潁水出少室山五渡水出太室山入于潁水嵩高水漲指此水也

慶之

軍士死散略盡乃削須髮爲沙門間行出汝陰還建康

慶之所以得免者亦由嵩高水漲追兵不急於軍士死散之時得以挺身逸去否則必爲爾朱榮所擒矣猶

以功除右衛將軍封永興縣侯

句斷五代志會稽郡會稽縣舊有永興縣

中

軍大都督兼領軍大將軍楊津入宿殿中掃洒宮庭

掃素

報翻酒所賣翻又並上聲封閉府庫出迎魏主於北邙流涕謝罪帝

慰勞之

勞力到翻

庚午帝入居華林園大赦以爾朱兆爲車

騎大將軍儀同三司

賞破石之功也

北來軍士及隨駕文武諸

立義者加五級河北報事之官及河南立義者加二級

報事謂報敵情曲折者

壬申加大丞相榮天柱大將軍增封通前

二十萬戶

天柱前無此號魏主以爾朱榮功高特置以寵之榮先以平葛榮之功增封至十萬戶今

又增爲二十萬戶以賞之北海王顥自輟轅南出至臨潁

臨潁縣自漢以來屬

潁川郡輟音環從騎分散

從才用翻騎奇寄翻

臨潁縣卒江豐斬之癸酉

傳首洛陽臨淮王或復自歸于魏主安豐王延明攜妻

子來奔陳慶之入洛也蕭贊送啓求還

贊即豫章王綜也奔魏事

見一百五十卷普通六年

時吳淑媛尚在

媛于卷翻

上使以贊幼時衣寄

之信未達而慶之敗慶之自魏還特重北人朱异怪而

問之

异羊至翻

慶之曰吾始以爲大江以北皆戎狄之鄉比

至洛陽

比必利翻及也

乃知衣冠人物盡在中原非江東所及

也奈何輕之

陳慶之特有見於洛陽華靡之俗而爲是言耳

甲戌魏以上黨

王天穆爲太宰城陽王徽爲大司馬兼太尉乙亥魏主

宴勞爾朱榮上黨王天穆及北來督將於都亭

勞力到  
翻將即

亮

出宮人三百繒錦雜綵數萬匹班賜有差

繒繆  
陵翻

凡受

元顯爵賞階復者悉追奪之

復方目翻復  
除賦役也

秋七月辛巳

魏主始入宮以高道穆爲御史中尉帝姊壽陽公主行

犯清路赤棒卒呵之不止

中尉前驅之卒執赤棒即清  
路者也棒部項翻呵虎何翻

道穆令卒擊破其車公主泣訴於帝帝曰高中尉清直

之士彼所行者公事豈可以私責之也道穆見帝

見賢  
遍翻

帝曰家姊行路相犯極以爲愧道穆免冠謝帝曰朕以

愧卿卿何謝也於是魏多細錢米斗幾直一千

幾巨依翻又居

希翻高道穆上表以爲在市銅價八十一錢得銅一斤私

造薄錢斤贏二百

言銅一斤造薄錢二百而贏也

既示之以深利又隨

之以重刑抵罪雖多姦鑄彌衆今錢徒有五銖之名而

無二銖之實置之水上殆欲不沈

沈持林翻

此乃因循有漸

科防不切朝廷失之彼復何罪

復扶又翻下况復同

宜改鑄大錢

文載年號以記其始則一斤所成止七十錢計私鑄所

費不能自潤直置無利自應息心况復嚴刑廣設也

言置

私鑄直使無利亦自應息心而不爲  
況又廣設科禁有嚴刑之可畏邪

金紫光祿大夫楊

侃亦奏乞聽民與官並鑄五銖錢使民樂爲而弊自改

樂音洛

魏主從之始鑄永安五銖錢

辛卯魏以車騎將

軍楊津爲司空

初魏以梁益二州境土荒遠更立巴

州以統諸獠凡二十餘萬戶

獠魯皓翻

以巴酋嚴始欣爲刺

史又立隆城鎮

宋白曰取其連岡地勢高隆爲名後爲隆州

以始欣族子愷

爲鎮將

將即亮翻

始欣貪暴孝昌初諸獠反圍州城行臺魏

子建撫諭之乃散始欣恐獲罪陰來請降帝遣使以詔



書鐵券衣冠等賜之

降戶江翻使疏吏翻

爲愷所獲以送子建子

建奏以隆城鎮爲南梁州

五代志巴西郡舊置南梁州西魏典畧曰此州舊有隆城

故又謂之南隆治古閬中城今之閬中即其地

用愷爲刺史囚始欣於南鄭魏

以唐永爲東益州刺史代子建以梁州刺史傳豎眼爲

行臺

豎而庾翻

子建去東益而氐蜀尋反

氐蜀氐人也

唐永棄

城走東益州遂沒

魏置東益州於武興時爲氐蜀所攻沒梁不能有也

傳豎眼之

初至梁州也州人相賀

事見一百四十有八卷天監十五年

既而久病不

能親政事其子敬紹奢淫貪暴州人患之嚴始欣重賂

敬紹得還巴州遂舉兵擊嚴愷滅之以巴州來降

降戶江翻

帝遣將軍蕭玢等援之傳敬紹見魏室方亂陰有保據

南鄭之志使其妻兄唐崑崙於外扇誘山民相與圍城

欲爲內應

崑崙翻  
誘音酉

圍合而謀洩城中將士共執敬紹

以白豎眼而殺之豎眼恥恚而卒

恚於避翻  
卒子恤翻

八月己

未魏以太傅李延寔爲司徒甲戌侍中太保楊椿致仕

九月癸巳上幸同泰寺設無遮大會上釋御服持法

衣行清淨大捨以便省爲房

便省在同泰寺上臨幸時居之故曰便省

素牀

瓦器乘小車私人執役甲子升講堂法座爲四部大衆

開涅槃經題

四部大衆僧尼及善男子善女人也涅槃奴結翻

癸卯羣臣以錢一

億萬祈白三寶

釋書以佛陀耶衆爲佛寶達摩耶衆爲法寶僧迦耶衆爲僧寶

奉贖皇

帝菩薩

釋典曰菩薩也薩濟也菩薩言能普濟衆生善薄胡翻薩桑葛翻

僧衆默許乙

已百辟詣寺東門奉表請還臨宸極

唐韵曰宸屋宇也天子所居毛晃曰

帝居北辰之宮故從一從辰

三請乃許上三答書前後並稱頓首

魏爾朱榮使大都督尖山侯淵

按五代志後魏置神武郡於桑乾水上領尖山

殊額討韓樓於薊配卒甚少騎止七百

薊音計少詩召翻騎奇寄翻

或以爲言榮曰侯淵臨機設變是其所長若搃大衆未

必能用今以此衆擊此賊必能取之淵遂廣張軍聲多

設供具親帥數百騎深入樓境去薊百餘里值賊帥陳

周馬步萬餘

親帥讀曰率賊帥所類翻

淵潛伏以乘其背大破之虜

其卒五千餘人尋還其馬仗縱令入城左右諫曰既獲

賊衆何爲復資遣之

馬仗馬及兵仗也復扶又翻

淵曰我兵既少不

可力戰須爲奇計以離間之乃可克也淵度其已至

古間

覓翻度徒洛翻

遂帥騎夜進昧旦叩其城門韓樓果疑降卒爲

淵內應遂走追禽之幽州平以淵爲平州刺史鎮范陽

魏平州本治肥如今徙鎮幽州之范陽

先是魏使征東將軍劉靈助兼尚

書左僕射慰勞幽州流民於濮陽頓丘

先悉薦翻勞力到翻

因帥

流民北還與侯淵共滅韓樓仍以靈助行幽州事加車

騎將軍又爲幽平營安四州行臺

爲劉靈助以營州叛爾朱張本

万

俟醜奴攻魏東秦州拔之殺刺史高子朗

五代志上郡後魏置東秦

州後改爲北秦州西魏改爲敷州隋大業二年改爲敷城郡後改爲上郡唐爲鄜州洛交縣万莫北翻俟渠之

翻

冬十月己酉上又設四部無遮大會道俗五萬餘

人會畢上御金輅還宮御太極殿大赦改元

改中大通元年

魏以前司空蕭贊爲司徒十一月己卯就德興請降

於魏營州平

就德興反見一百五十卷普通二年降戶江翻下同

丙午魏以城

陽王徽爲太保丹楊王蕭贊爲太尉雍州刺史長孫稚

爲司徒

雍於用翻

十二月辛亥兖州刺史張景邕荊州刺

史李靈起雄信將軍蕭進明叛降魏

三人者皆梁魏境上民豪以刺史將

軍寵授之耳

以陳慶之爲北兖州刺史

此北兖州當治淮陰

有妖賊

僧彊自稱天子土豪蔡伯龍起兵應之衆至三萬攻陷

北徐州

此北徐州治鍾離妖於驕翻

慶之討斬之

魏以岐州刺史

王羆行南秦州事羆誘捕州境羣盜悉誅之

誘音酉

資治通鑑卷一百五十三



總校官庶吉士  
金壽祺  
對官檢討  
王坦修

總校官庶吉士臣侍朝

校對官檢討臣王坦修

謄錄監生臣潘承煒

欽定四庫全書薈要

史部  
資治通鑑卷二百五十四

詳校官編修臣汪鏞



欽定四庫全書薈要卷七千一百四十

史部

資治通鑑卷一百五十四 宋 司馬光 撰

胡三省 音註

梁紀十

上章閣  
茂一年

高祖武皇帝十

中大通二年春正月己丑魏益州刺史長孫壽梁州刺

史元儁等遣將擊嚴始欣斬之蕭玩等亦敗死

玩援始  
欣見上

卷上年長知兩  
翻將即亮翻

失亡萬餘人 辛亥魏東徐州城民呂

文欣等殺刺史元大賓據城反

魏孝昌元年置徐州於下邳

魏遣都

官尚書平城樊子鵠討之二月甲寅斬文欣 万俟醜

奴侵擾關中

万莫北翻 侯渠之翻

魏爾朱榮遣武衛將軍賀拔岳

討之岳私謂其兄勝曰醜奴勍敵也

勍其京翻

今攻之不勝

固有罪勝之讒嫉將生勝曰然則奈何岳曰願得爾朱

氏一人爲帥而佐之

帥所類翻

勝爲之言於榮

爲于偽翻

榮悅以

爾朱天光爲使持節都督二雍二岐諸軍事驃騎大將

軍雍州刺史

後魏雍州治長安北雍州治華原縣東雍州治鄭縣岐州治扶風雍縣南岐州治河

池故道縣使疏吏翻雍於  
用翻驃匹妙翻騎奇寄翻  
以岳爲左大都督又以征西

將軍代郡侯莫陳悅爲右大都督

侯莫陳其先魏之別部也居庫斛真水世

爲渠帥遂以爲氏其後  
鎮代郡武川因家焉

竝爲天光之副以討之天光初

行唯配軍士千人發洛陽以西路次民馬以給之時赤

水蜀賊斷路

水經注赤水在鄭縣北即山海經之灌水也北注於渭蜀賊本蜀人之遷關中者來

亂相聚爲賊  
斷丁管翻

詔侍中楊侃先行慰諭并稅其馬

華陰諸楊仕魏

奕世貴顯關西所歸重  
故使之先行慰諭也

賊持疑不下軍至潼關天光不

敢進岳曰蜀賊鼠竊公尚遲疑若遇大敵將何以戰天

光曰今日之事一以相委岳遂進擊蜀於渭北破之獲

馬二千匹簡其壯健以充軍士又稅民馬合萬餘匹以

軍士尚少

少詩沒翻

淹留未進榮怒遣騎兵參軍劉貴乘驛

至軍中責天光杖之一百以軍士二千人益之三月醜

奴自將其衆圍岐州遣其大行臺尉遲菩薩

李延壽曰其先魏之

別號尉遲部因以爲氏尉音鬱菩薄胡翻薩桑葛翻

僕射万俟倅自武功南渡渭

攻圍趣柵

倅疑古翻考異曰北史作万俟行醜今從周書

天光使賀拔岳將

千騎救之菩薩等已拔柵而還

還從宣翻又如字

岳故殺掠其

吏民以挑之菩薩率步騎二萬至渭北

挑徒了翻  
帥讀曰率

岳以

輕騎數十自渭南與菩薩隔水而語稱揚國威菩薩令

省事傳語

省事蓋猶今之通事兩敵相向  
使之往來通傳言語省悉并翻

岳怒曰我與

菩薩語卿何人也射殺之

射而亦翻

明日復引百餘騎隔水

與賊語

復扶又翻

稍引而東至水淺可涉之處岳即馳馬東

出賊以爲走乃棄步兵輕騎南渡渭追岳岳依橫岡設

伏兵以待之賊半度岡東岳還兵擊之賊兵敗走

岳既還兵

擊賊伏兵又發故敗走

岳下令賊下馬者勿殺賊悉投馬俄獲三

千人馬亦無遺遂擒菩薩仍度渭北降步卒萬餘竝收

其輜重

降戶江翻重直用翻

醜奴聞之棄岐州北走安定

走音奏

置

柵於平亭天光方自雍至岐與岳合

平亭在涇州北自雍至岐自雍州至

岐州也

夏四月天光至汧渭之間

汧水出汧縣西北而入於渭汧口堅翻

停

軍牧馬宣言天時將熟未可行師俟秋涼更圖進止獲

醜奴覘候者縱遣之

覘醜廉翻又丑艷翻

醜奴信之散衆耕於細

川

據令狐德棻後周書百里細川在岐州北又據元豐九域志涇州靈臺縣有百里鎮蓋即細川之地細川

平亭當亦相近

使其太尉侯伏侯元進將兵五千據險立柵

侯伏



侯虜三字姓  
將即亮翻

其餘千人以下爲柵者甚衆天光知其勢

分晡時密嚴諸軍相繼俱發黎明圍元進大柵拔之所

得俘囚一皆縱遣諸柵聞之皆降

唐末高仁厚平阡能等亦用此術降戶江

翻下同

天光晝夜徑進抵安定城下賊涇州刺史侯幾長

貴以城降

侯幾虜複姓魏書官氏志內入諸姓有侯幾氏侯侯字相近

醜奴棄平亭

走欲趣高平

九域志鎮戎軍古高平地也趣七喻翻

天光遣賀拔岳輕騎

追之丁卯及於平涼賊未成列直閭代郡侯莫陳崇單

騎入賊中於馬上生擒醜奴因大呼衆皆披靡

呼火故翻披普

彼翻無敢當者後騎益集賊衆崩潰遂大破之天光進逼

高平城中執送蕭寶寅以降

萬俟醜奴胡琛之將也普通六年破魏將崔延伯其

衆始盛蕭寶寅大通元年叛魏至二年敗奔醜奴及是皆平

壬申以吐谷渾王佛

輔爲西秦河二州刺史

吐從瞰入聲谷音浴

甲戌魏以關中平

大赦萬俟醜奴蕭寶寅至洛陽置閭闔門外都街之中

士女聚觀凡三日丹楊王蕭贊表請寶寅之命

贊以寶寅爲叔

父故請其命

吏部尚書李神儁黃門侍郎高道穆素與寶寅

善欲左右之

左右讀曰佐佑

言於魏主曰寶寅叛逆事在前朝

朝音直  
遙翻

會應詔王道習自外至

應詔猶漢  
待詔也

帝問道習在

外所聞對曰惟聞李尚書高黃門與蕭寶寅周款

周至  
也密

也款  
愛也

竝居得言之地必能全之且二人謂寶寅叛逆在

前朝寶寅爲醜奴太傅豈非陛下時邪賊臣不翦法欲

安施帝乃賜寶寅死於駝牛署

邪音耶後魏官有駝牛  
都尉署者其寺舍也五

代志太僕寺之屬有駝牛  
署掌飼駝騾驢牛有令丞

斬醜奴於都市

六月丁巳

帝復以魏汝南王悅爲魏王

復扶又翻  
紀中大通元年正月甲子

考異曰梁帝

魏汝南王悅求還本國許之二年六月丁巳遣悅還北  
爲魏主按魏書悅傳悅未嘗歸魏復入梁今刪去元年

事

戊寅魏詔胡氏親屬受爵於朝者皆黜爲民

謂靈后親

屬也朝直遙翻

庚申以魏降將范遵爲安北將軍司州牧從

魏王悅北還

范遵魏北海王顥之舅蓋與顥同來奔降戶江翻將即亮翻

万俟醜奴

既敗自涇幽以西至靈州

後魏滅赫連以赫連果城置薄骨律鎮至孝昌中改鎮爲

靈州杜佑曰薄骨律鎮今靈武郡富平今迴樂縣唐靈州治迴樂括地志云薄骨律鎮城在河渚之中隨水上

下未嘗陷沒故號靈州也

賊黨皆降於魏唯所署行臺万俟道洛帥

衆六千逃入山中不降

降戶江翻帥讀曰率下同

時高平大旱爾朱

天光以馬乏草退屯城東五十里遣都督長孫邪利帥

二百人行原州事以鎮之

魏太延二年置高平鎮正光五年改曰原州治高平城領

高平長城二郡

道洛潛與城民通謀掩襲邪利并其所部皆殺

之天光帥諸軍赴之道洛出戰而敗帥其衆西入牽屯

山

班志丹頭山在安定郡涇陽縣西涇水所出師古注曰丹音牽此山在今靈州東南俗語訛謂之丹屯山

杜佑曰牽屯山在今原州高平縣

據險自守爾朱榮以天光失邪利不

獲道洛復遣使杖之一百

復扶又翻使疏更翻

以詔書黜天光爲

撫軍將軍雍州刺史降爵爲侯天光追擊道洛於牽屯

道洛敗走入隴

隴隴山也

歸略陽賊帥王慶雲

晉武帝分天水置略陽郡

隋廢爲隴城縣屬秦州考異曰魏帝紀作白馬龍涸胡王慶雲今從爾朱天光傳帥音所類翻道洛

驍果絕倫

驍堅堯翻

慶雲得之甚喜謂大事可濟遂稱帝於

水洛城

水經注水洛水導源隴山西逕水洛亭西南注略陽川九域志水洛城在德順軍西南一百里

范仲淹曰朝那之西秦亭之東有水洛城

置百官以道洛爲大將軍秋七月

天光帥諸軍入隴至水洛城慶雲道洛出戰天光射道

洛中臂

射而亦翻中竹仲翻

失弓還走拔其東城賊併兵趣西城

趣七喻翻

城中無水衆渴乏有降者言慶雲道洛欲突走天

光恐失之乃遣人招諭慶雲使早降

降戶江翻

曰若未能自

決當聽諸人今夜共議明晨早報慶雲等冀得少緩因

待夜突出

少詩沒翻

乃報曰請俟明日天光因使謂曰知須

水

須者意所欲也

今相爲小退

爲於僞翻

任取澗水飲之賊衆悅無

復走心天光密使軍士多作木槍各長七尺

此即拒馬槍也杜佑

曰拒馬槍以木徑二尺長短隨事十字鑿孔縱橫安檢長丈銳其端以塞要路

昏後繞城布列

要路加厚又伏人槍中備其衝突兼令密縛長梯於城

北其夜慶雲道洛果馳馬突出遇槍馬各傷倒伏兵起

即時擒之軍士緣梯入城餘衆皆出城南遇槍而止窮

窘乞降

降戶江翻

丙子天光悉收其仗而阮之死者萬七千

人分其家口於是三秦河渭邠涼鄯州皆降

三秦秦東秦南秦也

河州乞伏之地也魏太武真君六年置枹罕鎮後改爲河州領金城武始洪和臨洮郡渭州領隴西南安南安陽廣寧郡瓜州即古敦煌之地鄯州禿髮氏之地漢金城西部都尉所統也師古曰瓜州即左傳所云允姓之戎居于瓜州者也其地今猶出大瓜長者狐入瓜中食之首尾不出

天光頓軍略陽詔復

天光官爵尋加侍中儀同三司以賀拔岳爲涇州刺史侯莫陳悅爲渭州刺史秦州城民謀殺刺史駱超南秦州城民謀殺刺史辛顯超顯皆覺之走歸天光天光遣



兵討平之步兵校尉宇文泰從賀拔岳入關以功遷征

西將軍行原州事時關隴彫弊泰撫以恩信民皆感悅

曰早遇宇文使君吾輩豈從亂乎

爲宇文泰得賀拔岳之衆以創大業於關

西張本

八月庚戌上餞魏王悅於德陽堂遣兵送至境

上

考異曰悅傳云立爲魏主號年更興衍遣其將軍王僧辯送至境上以冀侵逼按僧辯傳未嘗送悅蓋

王弁耳

魏爾朱榮雖居外藩遙制朝政

朝直遙翻

樹置親黨

布列魏主左右伺察動靜大小必知

同相吏翻

魏主雖受制

於榮然性勤政事朝夕不倦數親覽辭訟理冤獄

數所角翻

榮聞之不悅

史言魏主不能養晦

帝又與吏部尚書李神儁議清

治選部

治直之翻選須綃翻下同

榮嘗開補曲陽縣令

據榮傳即上曲陽縣也漢

晉屬常山郡後魏屬中山郡開補者先補投而後關吏部五代志趙州鼓城縣舊曰曲陽劉昫曰漢上曲陽縣隋改曰恒陽唐元和十五年復曰曲陽趙州之曲陽下曲陽也

神儁以階縣不奏

言階級相

去懸絕其人不應補爲縣令

別更擬人榮大怒即遣所補者往奪其

任神儁懼而辭位榮使尚書左僕射爾朱世隆攝選榮

啓北人爲河南諸州帝未之許太宰天穆入見面諭

見賢

遍翻帝猶不許天穆曰天柱既有大功爲國宰相若請普

代天下官恐陛下亦不得違之如何啓數人爲州遽不用也帝正色曰天柱若不爲人臣朕亦須代如其猶存臣節無代天下百官之理榮聞之大恚恨曰天子由誰得立今乃不用我語爾朱皇后性妬忌屢致忿恚帝遣

爾朱世隆語以大理

恚於避翻語牛倨翻大理謂事理之大致也

后曰天子

由我家置立今便如此我父本即自作今亦復決

決判也謂

天下事有判決也復扶又翻

世隆曰止自不爲

止當作正

若本自爲之臣

今亦封王矣帝既外逼於榮內逼皇后恒怏怏不以萬

乘爲樂

恒音常快於兩翻乘繩正翻樂音洛下同

惟幸寇盜未息欲使與榮

相持及關隴既定告捷之日乃不甚喜謂尚書令臨淮

王彧曰即今天下便是無賊彧見帝色不悅曰臣恐賊

平之後方勞聖慮帝畏餘人怪之還以他語亂之曰然

撫寧荒餘

荒餘謂兵荒之餘民也

彌成不易

易以鼓翻

榮見四方無事

奏稱參軍許周勸臣取九錫臣惡其言已斥遣令去榮

時望得殊禮故以意諷朝廷帝實不欲與之因稱歎其

忠榮好獵

惡烏路翻好呼報翻

不捨寒暑列圍而進令士卒必齊

壹雖遇險阻不得違避一鹿逸出必數人坐死有一卒見虎而走榮謂曰汝畏死邪即斬之自是每獵士卒如登戰場嘗見虎在窮谷中榮令十餘人空手搏之毋得損傷死者數人卒擒得之

魏道武帝因搏熊而謝于栗磳爾朱榮反是嗜殺人者烏

能定天下邪  
卒音子恤翻

以此爲樂其下甚苦之太宰天穆從容謂

榮曰

樂音洛從  
于容翻

大王勲業已盛四方無事唯宜修政養

民順時蒐狩

禮春蒐夏苗秋獮冬狩杜預曰蒐索擇取  
不孕者苗爲苗除害也獮殺也以殺爲名

順秋氣也狩圍守也冬物  
畢成獲則取之無所擇也

何必盛夏驅逐感傷和氣榮

攘袂曰靈后女主不能自正推奉天子乃人臣常節葛  
榮之徒本皆奴才乘時作亂譬如奴走擒獲即已頃來  
受國大恩未能混壹海內何得遽言勲業如聞朝士猶  
自寬縱今秋欲與兄戒勒士馬校獵嵩高令貪汙朝貴  
入圍搏虎朝直遙翻仍出魯陽歷三荆悉擁生蠻北填六鎮

杜佑曰北荊州今即伊陽縣東荊州後改曰淮州今淮  
安郡荊州今南陽郡余按榮言出魯陽則已越伊陽而  
南矣五代志春陵郡後魏置南荊州當以此足三荆之  
數生蠻謂諸蠻戶之未附於魏者六鎮叛亂鎮戶荒殘  
故欲回軍之際掃平汾胡稽胡皆居汾州明年簡練精  
填之

騎分出江淮蕭衍若降乞萬戶侯

騎奇計翻降戶江如翻乞丘計翻與也

其不降以數千騎徑度縛取然後與兄奉天子巡四方

乃可稱勲耳今不頻獵兵士懈怠安可復用也

懈七隘翻復扶

又翻城陽王徽之妃帝之舅女侍中李或延寔之子帝之

姊婿也徽或欲得權寵惡榮爲已害日毀榮於帝勸帝

除之帝懲河陰之難

河陰之難事見一百五十卷惡烏路翻難乃旦翻

恐榮終

難保由是密有圖榮之意侍中楊侃尚書右僕射元羅

亦預其謀

元羅義弟也

會榮請入朝欲視皇后乳

乳與免同又音

晚師古曰免乳爲產子也乳人

喻翻唐韻曰子母相解曰免 徽等勸帝因其入刺殺

之

刺七亦翻

唯膠東侯李侃晞濟陰王暉業言榮若來必當

有備恐不可圖

濟子禮翻

又欲殺其黨與發兵拒之帝疑未

定而洛陽人懷憂懼中書侍郎邢子才之徒已避之東

出

邢邵字子才避魏主兄彭城王邵諱故以字行本傳云少時有避遂不行名

榮乃遍與朝

士書相任去留中書舍人溫子昇以書呈帝帝恒望其

不來

恒戶登翻

及見書以榮必來色甚不悅子才名邵以字

行巒之族弟也

邢巒事魏宣武帝屢經將領有功 考異曰北史邢巒卷首排目云族孫臧劬



而卷中乃云蠻叔祖祐祐從祖蚪蚪子臧劬魏書  
亦云蠻從祖祐然則臧劬乃蠻族弟非族孫也

時人

多以字行者舊史皆因之武衛將軍奚毅建義初往來

通命

事見一百五十  
二卷大通二年

帝每期之甚重然猶以榮所親信

不敢與之言情毅曰若必有變臣寧死陛下不能事契

胡

爾朱氏契胡種  
也契欺訖翻

帝曰朕保天柱無異心亦不忘卿忠

款

款誠  
也

爾朱世隆疑帝欲爲變乃爲匿名書自榜其門

云天子與楊侃高道穆等爲計欲殺天柱取以呈榮榮  
自恃其彊不以爲意手毀其書唾地曰世隆無膽誰敢

生心榮妻北鄉長公主亦勸榮不行

榮妻非元氏也以榮功封北鄉長公

主考異作鄉郡長公主注曰北史世隆傳作北鄉郡

公主今從魏帝紀按考異作鄉郡長公主是也通鑑

作北鄉長公主傳寫之誤耳五代志上黨郡鄉縣石勒

置武鄉郡後魏去武字爲鄉郡證以魏收志無北鄉郡

則從鄉郡爲是唾榮不從是月榮將四千騎發并州

吐臥翻長知兩翻

將即亮翻時人皆言榮反又云天子必當圖榮九月榮

騎奇寄翻

至洛陽考異曰魏帝紀曰辛卯榮天穆自晉陽來朝

按北史九月初榮至京十五日天穆至是月甲

戌朔辛卯乃帝即欲殺之以太宰天穆在并州恐爲後

十八日非也

患故忍未發并召天穆有人告榮云帝欲圖之榮即具

奏帝曰外人亦言王欲害我豈可信之於是榮不自疑

每入謁帝從人不過數十

從才用翻

又皆挺身不持兵仗

徒挺

頂翻

帝欲止城陽王徽曰縱不反亦何可耐

耐忍也

況不

可保邪先是長星出中台掃大角恒州人高榮祖頗知

天文榮問之對曰除舊布新之象也

三台中台上星爲諸侯三公大角者

天王座也傳曰彗所以除舊布新先悲薦翻恒戶登翻

榮甚悅榮至洛陽行臺郎

中李顯和曰天柱至那無九錫安須王自索也

李顯和蓋爲并

肆九州行臺郎中時從

亦是天子不見機都督郭羅察

曰今年真可作禪文

河陰之難榮已募朝士作禪文故羅察云然郭羅察即郭羅剎

何

但九錫參軍褚光曰人言并州城上有紫氣何慮天柱不應之榮下人皆陵侮帝左右無所忌憚故其事皆上

聞

皆上時掌翻

奚毅又見帝求問

求問即請問也

帝即下明光殿與

語知其至誠乃召城陽王徽及楊侃李或告以毅語榮

小女適帝兄子陳留王寬榮嘗指之曰我終得此壻力

徽以白帝曰榮慮陛下終爲已患脫有東宮必貪立孩

幼

孩何開翻

若皇后不生太子則立陳留耳帝夢手持刀自

割落十指惡之

惡鳥路翻

告徽及楊侃徽曰蝮蛇螫手壯士

解腕

螫音釋腕烏貫翻

割指亦是其類乃吉祥也戊子天穆至

洛陽帝出迎之榮與天穆並從入西林園宴射榮奏曰

近來侍官皆不習武陛下宜將五百騎出獵因省辭訟

將即亮翻騎奇

寄翻省悉井翻

先是奚毅言榮欲因獵挾天子移都

先

薦由是帝益疑之辛卯帝召中書舍人溫子昇告以殺

榮狀并問以殺董卓事子昇具道本末帝曰王允若即

赦涼州人必不應至此

董卓王允事見六十年漢獻帝初平三年

良久語子

昇曰

語牛倨翻

朕之情理卿所具知死猶須爲况不必死吾

寧爲高貴鄉公死不爲常道鄉公生

謂曹魏高貴鄉公欲誅司馬昭不克

而死常道鄉公禪位于晉而生也

帝謂殺榮天穆即赦其黨皆應不動

應詔王道習曰爾朱世隆司馬子如朱元龍特爲榮所

委任具知天下虛實謂不宜留徽及楊侃皆曰若世隆

不全仲遠天光豈有來理

爾朱仲遠時鎮徐州天光時鎮關隄

帝亦以爲

然徽曰榮腰間常有刀或能狼戾傷人

狼當作很孟子樂歲粒米狼戾

猶言狼籍也非此義

臨事願陛下起避之乃伏侃等十餘人於明

光殿東其日榮與天穆竝入坐食未訖起出侃等從東

階上殿

上時掌翻

見榮天穆已至中庭事不果壬辰帝忌日

癸巳榮忌日

親喪之日爲忌日禮曰忌日不樂

甲午榮暫入即詣陳留

王家飲酒極醉遂言病動頻日不入帝謀頗泄世隆又

以告榮且勸其速發榮輕帝以爲無能爲曰何忽忽預

帝謀者皆懼帝患之城陽王徽曰以生太子爲辭榮必

入朝因此斃之帝曰后懷孕始九月可乎

朝直遙翻孕以正翻

徽

曰婦人不及期而產者多矣彼必不疑帝從之戊戌帝

伏兵於明光殿東序聲言皇子生遣徽馳騎至榮第告

之奇寄翻榮方與上黨王天穆博徽脫榮帽懽舞盤旋唐李

太白詩云脫君帽爲君笑脫帽懽舞蓋夷禮也兼殿內文武傳聲趣之趣讀曰促榮

遂信之與天穆俱入朝帝聞榮來不覺失色中書舍人

溫子昇曰陛下色變帝連索酒飲之酒能變貌又能張膽故連索飲之索

山客翻帝令子昇作赦文既成執以出遇榮自外入問是

何文書子昇顏色不變曰勅榮不取視而入帝在東序

下西向坐榮天穆在御榻西北南向坐徽入始一拜榮



見光祿少卿魯安典御李侃晞等抽刀從東戶入

漢九卿惟

正卿一人魏高祖太和十一年始各置少卿一人典御嘗食典御也少詩詔翻

即起趨御座

七趨

喻翻帝先橫刀膝下遂手刃之安等亂砍榮與天穆同時

俱死榮子菩提及車騎將軍爾朱陽觀等三十人從榮

入宮亦爲伏兵所殺

菩提薄乎翻

帝得榮手板上有數牒啓皆

左右去留人名非其腹心者悉在出限

出不使在帝左右

帝曰

豎子若過今日遂不可制於是內外喜譟聲滿洛陽城百僚入賀帝登閭闔門下詔大赦遣武衛將軍奚毅前

燕州刺史崔淵將兵鎮北中

燕因肩翻  
將即亮翻

是夜爾朱世隆

奉北鄉長公主帥榮部曲焚西陽門出屯河陰

西陽門  
即洛陽

城西

明門衛將軍賀拔勝與榮黨田怡等聞榮死奔赴榮第

時宮殿門猶未加嚴防怡等議即攻門勝止之曰天子

既行大事必當有備吾輩衆少何可輕爾

少時  
沼翻

但得出

城更爲他計怡乃止及世隆等走勝遂不從

考異曰周  
書及北史

云勝復從世隆至河橋勝以爲臣無讎君  
之義遂勒所部還都莊帝大悅今從魏書

帝甚嘉之朱

瑞雖爲榮所委而善處朝廷之間

朱瑞本榮之行臺郎  
中榮定魏主于洛陽

以瑞爲黃門侍郎兼  
中書舍人處昌呂翻

帝亦善遇之故瑞從世隆走而中

道逃還榮素厚金紫光祿大夫司馬子如榮死子如自

宮中突出至榮第棄家隨榮妻子走出城世隆即欲還

北子如曰兵不厭詐今天下恟恟唯彊是視

恟許  
勇翻

當此

之際不可以弱示人若亟北走恐變生肘腋

腋音  
亦

不如

分兵守河橋還軍向京師出其不意或可成功假使不

得所欲亦足示有餘力使天下畏我之彊不敢叛散世

隆從之己亥攻河橋擒奚毅等殺之據北中城魏朝大

懼遣前華陽太守段育慰諭之

魏分漢中之沔陽西縣置華陽郡以其地在華

山之南也朝直遙翻華戶化翻

世隆斬首以徇魏以雍州刺史爾朱天

光爲侍中儀同三司

雍於用翻

以司空楊津爲都督并肆等

九州諸軍事驃騎大將軍并州刺史兼尚書令北道行

臺經略河汾

驃匹妙翻騎奇計翻

榮之入洛也以高敖曹自隨禁

於駝牛署

爾朱榮誘拘高敖曹事見一百五十二卷大通二年

榮死帝引見勞勉

之兄乾自東冀州馳赴洛陽

魏孝昌末葛榮作亂高翼聚衆

見賢遍翻勞力到翻

河濟間魏因置東冀州以翼爲刺史蓋因劉宋先置冀州於河濟間而置東冀州以別河北之冀州也翼乾之

族也按後以翼爲乾之父

帝以乾爲河北大使

使疏吏翻

敕曹爲直閣將

軍使歸招集鄉曲爲表裏形援帝親送之於河橋

敕曹兄弟

歸鄉里路當東出河橋在洛城北帝不應送之于此河橋二字意必有誤

舉酒指水曰卿兄

弟冀部豪傑能令士卒致死京城儻有變可爲朕河上

一揚塵乾垂涕受詔敕曹援劔起舞誓以必死

爲于偽翻下亦

爲吾爲爲陛下同援于元翻

冬十月癸卯朔世隆遣爾朱拂律歸

考異

曰魏書無拂律歸名伽藍記有之按爾朱度律時在世隆所或者拂律歸即度律也

將胡騎一千

皆白服來至郭下索太原王尸

榮迎立敬宗封太原王將即亮翻騎奇計翻索

山客 帝升大夏門望之

洛陽城北有大夏廣莫二門夏戶雅翻

遣主書牛

法尚謂之曰太原王立功不終陰圖豐逆

豐許覲翻

王法無

親

言法在必行雖親無赦也

已正刑書罪止榮身餘皆不問卿等若

降官爵如故拂律歸曰臣等隨太原王入朝忽致冤酷

今不忍空歸願得太原王尸生死無恨因涕泣哀不自

勝

勝音升

羣胡皆慟哭聲振城邑帝亦爲之愴然遣侍中

朱瑞齎鐵券賜世隆世隆謂瑞曰太原王功格天地赤

心奉國長樂不顧信誓枉加屠害

魏敬宗本封長樂王樂音洛

今日

兩行鐵字何足可信

行戶剛翻

吾爲太原王報讎終無降理

瑞還白帝帝即出庫物置城西門外募敢死之士以討

世隆一日即得萬人與拂律歸等戰於郭外拂律歸等

生長戎旅

長知兩翻

洛陽之人不習戰鬪屢戰不克甲辰以

前車騎大將軍李叔仁爲大都督帥衆討世隆

帥讀曰率

戊

申皇子生大赦以中書令魏蘭根兼尚書左僕射爲河

北行臺定相殷三州皆稟蘭根節度

相悉亮翻

爾朱氏兵猶

在城下帝集朝臣博議皆懼不知所出通直散騎常

侍李苗奮衣起曰

朝直遙翻恒去王翻散  
悲亶翻騎奇寄翻下同

今小賊唐突

如此朝廷有不測之危正是忠臣烈士效節之日臣雖

不武請以一旅之衆爲陛下徑斷河橋

杜預曰五百人  
爲一旅斷丁管

翻

城陽王徽高道穆皆以爲善帝許之乙卯苗募人從

馬渚上流乘船夜下去橋數里縱火船焚河橋倏忽而

至爾朱氏兵在南岸者望之爭橋北渡俄而橋絕溺死

者甚衆苗將百許人泊於小渚以待南援

溺奴狄翻將  
即亮翻下同

官軍不至爾朱氏就擊之左右皆盡苗赴水死帝傷惜



之贈車騎大將軍儀同三司封河陽侯謚曰忠烈世隆

亦收兵北遁丙辰詔行臺源子恭將步騎一萬出西道

楊昱將募士八千出東道以討之募士即洛城西門外所募者也子恭

仍鎮太行谷築壘以防之水經注丹水出上黨高都縣故城東北阜下東南流

注於丹谷晉書地道記曰縣有太行關丹溪爲關之東谷塗自此去不復由關矣行戶剛翻考異曰伽藍記

云源子恭楊寬領步騎三萬鎮河內今從魏書世隆至建州慕容永分上黨置建興郡魏真君元

年省和平五年復置郡永安中罷郡置建州治高都城領高都長平安平恭寧郡據五代志建州即唐澤州之

地刺史陸希質閉城拒守世隆攻拔之殺城中人無遺

類以肆其忿唯希質走免詔以前東荊州刺史元顯恭

爲晉州刺史

魏孝昌中置唐州建義元年改曰晉州治白馬城領平陽西河南絳北絳永安北五

城定陽西平城敷城河西五城冀氏義寧郡

兼尚書左僕射西道行臺

魏

東徐州刺史廣牧斛斯椿

廣牧縣漢朔方東部都尉治所也魏省朔方以廣牧縣屬

新興郡魏收志屬朔州附化郡考椿傳椿廣牧富昌人則又似廣牧自爲一郡也斛斯虜複姓

素依附

爾朱榮榮死椿懼聞汝南王悅在境上乃帥部衆棄州

歸悅

帥讀曰率下同

悅授椿侍中大將軍司空封靈丘郡公又

爲大行臺前驅都督

汾州刺史爾朱兆聞榮死自汾

州帥騎據晉陽

騎奇計翻

世隆至長子

考異曰魏帝紀云世隆傳建興之高都

今從世隆傳

兆來會之壬申共推太原太守行并州事長廣

王曄即皇帝位

守式又翻

大赦改元建明曄英之弟子也

中山

王英著功於太和正始之間

以兆爲大將軍進爵爲王世隆爲尚書

令賜爵樂平王加太傅司州牧又以榮從弟度律爲太

尉賜爵常山王

從才用翻

世隆兄天柱長史彥伯爲侍中徐

州刺史仲遠爲車騎大將軍兼尚書左僕射三徐州大

行臺仲遠亦起兵向洛陽

三徐州徐州治彭城北徐州治琅邪永安二年置領東秦

山琅邪二郡東徐州治下  
邳此皆長廣王所除授

爾朱天光之克平涼也宿勤

明達請降

宿勤明達與万俟醜奴皆胡琛將也降戶江翻

既而復叛北走天光

遣賀拔岳討之明達奔東夏

東夏唐之延州夏戶雅翻

岳聞爾朱榮

死不復窮追

復扶又翻

還涇州以待天光天光與侯莫陳悅

亦下隴與岳謀引兵向洛魏敬宗使朱瑞慰諭天光天

光與岳謀欲令帝外奔而更立宗室

更工衡翻

乃頻啓云臣

實無異心唯欲仰奉天顏以申宗門之罪又使其下僚

屬啓云天光密有異圖願思勝筭以防之

天光設兩端以疑魏朝

范陽太守盧文偉誘平州刺史侯淵出獵閉門拒之

本淵

領平州鎮范陽范陽即涿郡後漢章帝改焉誘音酉

淵屯於郡南爲榮舉哀

爲于偽翻

勒兵南向進至中山行臺僕射魏蘭根邀擊之爲淵所

敗

敗補賣翻

敬宗以城陽王徽兼大司馬錄尚書事總統內

外徽意謂榮既死枝葉自應散落及爾朱世隆等兵四

起黨衆日盛徽憂怖不知所出

怖普布翻

性多嫉忌不欲人

居已前每獨與帝謀議羣臣有獻策者徽輒勸帝不納

且曰小賊何慮不平又靳惜財貨賞賜率皆薄少

靳居焮翻

少詩或多而中減或與而復追故徒有糜費而恩不感

物

史言微誤魏主復扶又翻

十一月癸酉朔敬宗以車騎將軍鄭先

護爲大都督與行臺楊昱共討爾朱仲遠乙亥以司徒

長孫稚爲太尉臨淮王彧爲司徒丙子進雍州刺史廣

宗公爾朱天光爵爲王

自此以上至鄭先護官爵皆敬宗所授

長廣王亦

以天光爲隴西王爾朱仲遠攻西兖州

魏太和中置西兖州於滑臺孝

昌中置西兖州於定陶下云仲遠與賀拔勝戰於滑臺東則是時猶以滑臺爲西兖州也

丁丑拔之

擒刺史王衍衍肅之兄子也

王肅去齊入魏而貴顯

癸未敬宗以

右衛將軍賀拔勝爲東征都督壬辰又以鄭先護兼尚

書左僕射爲行臺與勝共討仲遠戊戌詔罷魏蘭根行

臺以定州刺史薛曇尚兼尚書爲北道行臺

曇徒含翻

鄭先

護疑賀拔勝置之營外庚子勝與仲遠戰於滑臺東兵

敗降於仲遠初爾朱榮嘗從容問左右曰

從于容翻

一日無

我誰可主軍皆稱爾朱兆榮曰兆雖勇於戰鬪然所將

不過三千騎多則亂矣堪代我者唯賀六渾耳因戒兆

曰爾非其匹終當爲其穿鼻

譬之以牛牛鼻既穿則爲人所制

乃以高

歡爲晉州刺史及兆引兵向洛遣使召歡歡遣長史孫

騰詣兆辭以山蜀未平

蜀人徙汾晉依山而居者謂之山蜀

今方攻討不

可委去致有後憂定蜀之日當隔河爲犄角之勢

犄居蟻翻

兆不悅曰還白高晉州吾得吉夢夢與吾先人登高丘

丘旁之地耕之已熟獨餘馬蘭

本草蠶實馬蘭子也出冀州圖經曰馬蘭子生

河東川谷葉似薤而長厚衍義曰馬蘭葉牛馬皆不食爲纒出土葉已硬也

先人命吾拔之

隨手而盡以此觀之往無不克騰還報歡曰兆狂愚如

是而敢爲悖逆吾勢不得久事爾朱矣

爲歡起兵討爾朱張本悖蒲內



翻又蒲  
沒翻

十二月壬寅朔爾朱兆攻丹谷都督崔伯鳳戰

死都督史忸龍開壁請降

忸宜古翻  
降戶江翻

源子恭退走兆輕

兵倍道兼行從河橋西涉渡

波涉渡今從魏書兆傳  
考異曰伽藍記云從雷

先是敬宗以大河深廣謂兆未能猝濟

先昔  
薦翻

是日水不

沒馬腹甲辰暴風黃塵漲天兆騎叩宮門宿衛乃覺彎

弓欲射

騎奇計翻下  
同射而亦翻

矢不得發一時散走華山王鷲斤

之玄孫也

斤亂代事見一百四卷晉孝武太元  
元年魏以此始亦以此終天邪人邪

素附爾

朱氏帝始聞兆南下欲自帥諸軍討之鷲說帝曰黃河

萬仞北安得渡帝遂自安及北入宮驚復約止衛兵不

使鬪

帥音率說式芮  
翻復扶又翻

帝步出雲龍門外遇城陽王徽乘

馬走帝屢呼之不顧而去

徽預國大謀敗不  
即死去將安之

北騎執帝

鎖於永寧寺樓上帝寒甚就北求頭巾

頭巾所謂  
栢頭也

不與

北營於尚書省用天子金鼓設刻漏於庭撲殺皇子

皇子

爾朱后所生  
也撲弼角翻

汙辱嬪御妃主

汙烏故翻  
嬪昆賓翻

縱兵大掠殺司

空臨淮王彧尚書左僕射范陽王誨青州刺史李延寔

等城陽王徽走至山南

山南伊潁南  
山之南也

抵前洛陽令寇祖

仁家

考異曰魏書作冠彌按冠讚諸孫所字皆連祖字或者名彌字祖仁今從加藍記

祖仁一

門三刺史皆徽所引拔以有舊恩故投之徽齎金百斤

馬五十匹祖仁利其財外雖容納而私謂子弟曰如聞

爾朱兆購募城陽王得之者封千戶侯今日富貴至矣

乃怖徽云官捕將至今其逃於他所

怖普布翻

使人於路邀

殺之送首於兆

徽背敬宗而祖仁亦背徽惡殃之報何速哉蒼蒼之不可欺也如此

兆亦

不加勲賞兆夢徽謂已曰我有金二百斤馬百匹在祖

仁家卿可取之兆既覺

覺古孝翻

意所夢爲實即掩捕祖仁

徵其金馬祖仁謂人密告望風款服云實得金百斤馬

五十匹

款誠實也獄囚招承之辭曰款言得其實也

兆疑其隱匿依夢徵之

祖仁家舊有金三十斤馬三十匹盡以輸兆兆猶不信

發怒執祖仁懸首高樹大石墜足捶之至死

捶止

爾朱

世隆至洛陽

自長子至洛陽也

兆自以爲已功責世隆曰叔父

在朝日久

世隆榮從弟兆榮從子故呼世隆爲叔父靈后臨朝之時世隆已在朝故曰日久朝直遙

耳目應廣如何今天柱受禍按劔瞋目聲色甚厲

瞋七

世隆遜辭拜謝然後得已由是深恨之

爲爾朱兄弟叔姪互相猜

疑以致夷  
滅張本

爾朱仲遠亦自滑臺至洛戊申魏長廣王大

赦爾朱榮之死也敬宗詔河西賊帥紇豆陵步蕃使襲

秀容

步蕃居北河之西紇豆陵虜三字姓魏書官氏志次南諸姓有紇豆陵氏帥音所類翻紇音下沒翻

及兆入洛步蕃南下兵勢甚盛故兆不暇久留亟還晉

陽以禦之使爾朱世隆度律彥伯等留鎮洛陽甲寅兆

遷敬宗於晉陽兆自於河梁監閱財資

河梁即河橋監工咸翻

高

歡聞敬宗向晉陽帥騎東巡欲邀之不及因與兆書爲

陳禍福不宜害天子受惡名兆怒不納爾朱天光輕騎

入洛見世隆等即還雍州

帥讀曰率騎奇計翻爲于偽翻雍於用翻

初敬宗

恐北軍不利

北軍謂源子恭鎮丹谷之軍也

欲爲南走之計託云征蠻

以高道穆爲南道大行臺未及發而北入洛道穆託疾

去世隆殺之主者請追李苗封贈世隆曰當時衆議更

一二日即欲縱兵大掠焚燒郭邑賴苗之故京師獲全

天下之善一也不宜復追

復扶又翻

爾朱榮之死也世隆等

徵兵於大寧太守代人房謨

魏收志魏孝昌中置泰寧郡屬建州其地當在唐澤

州沁水縣界大當作泰

謨不應前後斬其三使

使疏吏翻

遣弟毓詣洛

陽及兆得志其黨建州刺史是蘭安定

是蘭姓也安定其名

執謨

繫州獄郡中蜀人聞之皆叛

此謂蜀人之居秦寧者亦汾蜀絳蜀之類也

安

定給謨弱馬令軍前慰勞

勞力到翻

諸賊見謨莫不遙拜謨

先所乘馬安定別給將士

將即亮翻

戰敗蜀人得之謂謨遇

害莫不悲泣善養其馬不聽人乘之兒童婦女競投草

粟皆言此房公馬也爾朱世隆聞之捨其罪以爲其府

長史北道大行臺楊津以衆少留鄴召募欲自溢口入

并州會爾朱兆入洛津乃散衆輕騎還朝

少詩沼翻溢音釜騎奇計

翻朝直爾朱世隆與兄弟密謀慮長廣王母衛氏干預

朝政伺其出行遣數十騎如劫盜者於京巷殺之

直曰街曲

曰巷京巷洛京之曲巷也朝直遙翻伺相吏翻尋懸榜以千萬錢募賊甲子爾

朱兆縊敬宗於晉陽三級佛寺

年二十四廢帝謚帝曰武懷皇帝及孝武帝立

以廟諱改謚曰孝莊皇帝廟號敬宗縊於賜翻又於計翻并殺陳留王寬是月紇豆

陵步蕃大破爾朱兆於秀容南逼晉陽兆懼使人召高

歡并力

考異曰北齊慕容紹宗傳兆召高祖紹宗諫曰今天下撥攘人懷覲覲正是智士用策之秋

高晉州才雄氣猛英略蓋世譬如蛟龍安可借以雲雨兆怒曰我與晉州推誠相待何得輒相間阻因紹宗數



日乃釋之北史紹宗語在神武請帥降戶就食山東下按兆始名歡以自救非猜嫌之時今從北史僚屬

皆勸歡勿應召歡曰北方急保無它慮遂行歡所親賀

拔焉過兒請緩行以弊之歡往往逗留辭以河無橋不

得渡

此河蓋汾河也

步蕃兵日盛兆屢敗告急於歡歡乃往從

之兆時避步蕃南出步蕃至平樂郡

平樂郡據爾朱兆傳當作樂平郡後

漢獻帝分太原置樂平郡治沾城唐遼州即其地

歡與兆進兵合擊大破之斬

步蕃於石鼓山

魏收志秀容郡秀容縣有石鼓山

其衆退走兆德歡相

與誓爲兄弟將數十騎詣歡通夜宴飲初葛榮部衆流

入并肆者二十餘萬爲契胡凌暴

契胡爾朱之種人也契欺訖翻

皆不

聊生大小二十六反誅夷者半猶謀亂不止兆患之問

計於歡歡曰六鎮反殘不可盡殺

自破六韓拔陵杜洛周之敗其衆盡歸葛

榮皆六鎮人也

宜選王腹心使統之有犯者罪其帥

帥所類翻

則所

罪者寡矣兆曰善誰可使者賀拔允時在坐

坐徂臥翻

請使

歡領之歡拳毆其口折一齒曰平生天柱時奴輩伏處

分如鷹犬

毆鳥口翻歡自謂也說爲遜辭使兆不疑已折而設翻處昌呂翻分扶問翻下同

今

日天下事取捨在王而阿鞠泥敢僭易妄言請殺之

賀拔

允字阿鞠泥  
易以鼓翻

兆以歡爲誠遂以其衆委焉歡以兆醉恐

醒而悔之遂出宣言受委統州鎮兵

魏改六鎮爲州葛榮部衆皆六鎮人

故曰州鎮兵

可集汾東受號令乃建牙陽曲川

水經注汾水自汾陽縣南

流逕陽曲城西陽曲在秀容之南地形志陽曲縣二漢屬太原郡後魏永安中置永安郡陽曲縣屬焉宋白曰

唐忻州秀容定襄二縣皆漢陽曲縣地河千里一曲縣當其陽故曰陽曲後漢末移陽曲縣於并州太原縣界

於舊陽曲縣置定襄縣又分置九原縣屬新陳部分軍興郡後魏以九原縣爲平冠縣隋爲秀容縣

士素惡兆而樂屬歡

分扶問翻惡烏故翻樂音洛

莫不皆至居無何

居無何言在事未多時也無何猶言無幾何時

又使劉貴請兆以并肆頻歲霜

旱降戶掘田鼠而食之

降戶江翻

面無穀色徒汗人境內

并肆

之地兆統內也汙烏故翻

請令就食山東

并肆冀定瀛相殷以太行常山爲限并肆在山西餘

州皆在山東歡欲引衆就食山東正欲遠兆得以從容收衆心因之以起兵也

待溫飽更受處

分兆從其議長史慕容紹宗諫曰不可方今四方紛擾

人懷異望高公雄才蓋世復使握大兵於外

復扶又翻

譬如

借蛟龍以雲雨將不可制矣兆曰有香火重誓何慮邪

重誓謂與歡誓爲兄弟

紹宗曰親兄弟尚不可信何論香火

時爾朱兆

與其羣從已構嫌隙故紹宗以此言諷之

時兆左右已受歡金因稱紹宗與

歡有舊隙兆怒囚紹宗趣歡發

趣讀曰促

歡自晉陽出滏口

道逢北鄉長公主自洛陽來有馬三百匹盡奪而易之

兆聞之乃釋紹宗而問之紹宗曰此猶是掌握中物也

兆乃自追歡至襄垣

襄垣縣漢屬上黨郡後魏屬鄉郡至敬宗建義元年分置襄垣郡

會漳水暴漲橋壞

水經漳水自屯留縣東北流逕襄垣縣故城南

歡隔水拜曰

所以借公主馬非有它故備山東盜耳王信公主之讒

自來賜追

歡稱兆爲王因長廣王所封也

今不辭度水而死恐此衆便

叛兆自陳無此意因輕馬度水與歡坐幕下授歡刀引

頸使歡斫之

古之豪雄推赤心置人腹中者必其威望有以服其心智力足以制其命然後行之

以安反側然亦未至如爾朱兆之輕率也

歡大哭曰自天柱之薨賀六渾更

何所仰但願大家千萬歲以申力用耳今爲旁人所構

間大家何忍復出此言

歡之此言亦謬爲恭敬耳歡以主事兆故稱爲大家間古覓翻

復音扶又翻下同

兆投刀於地復斬白馬與歡爲誓因留宿夜

飲尉景伏壯士欲執兆

尉紆勿翻

歡齧臂止之曰今殺之其

黨必奔歸聚結兵饑馬瘦不可與敵若英雄乘之而起

則爲害滋甚不如且置之兆雖驍勇凶悍無謀不足圖

也不足圖者謂其易圖也史言舉大事者必審而後發驍堅亮翻悍侯盱翻旦日兆歸營復

召歡歡將上馬詣之上時掌翻孫騰牽歡衣歡乃止兆隔水

肆罵馳還晉陽當是時爾朱兆已知高歡之不可制而無如之何兆腹心念賢

領降戶家屬別爲營歡僞與之善觀其佩刀因取殺之

按通鑑念賢後仕於西魏貴顯此豈別有一念賢邪又按李百藥北齊書歡取賢佩刀以殺其從者從者盡散

則謂所殺者賢之從者士衆感悅益願附從 齊州城

民趙洛周聞爾朱兆入洛逐刺史丹陽王蕭贊以城歸

兆贊變形爲沙門逃入長白山五代志齊州章丘縣舊曰高唐有長白山杜佑

曰長白山在溜川長山縣

流轉卒於陽平

陽平縣漢屬東郡魏晉以來分屬陽平郡隋唐魏州

之莘縣即具地卒子恤翻

梁人或盜其柩以歸上猶以子禮葬於陵

次豫章王綜奔魏改名贊事見一百五十卷普通六年贊不以帝爲父而帝猶以贊爲子可謂愛其所不當

愛矣柩音舊

魏荊州刺史李琰之韶之族弟也南陽太守

趙修延以琰之敬宗外族

敬宗母彭城王勰妃李氏也故云然

誣琰之欲

奔梁發兵襲州城執琰之自行州事

魏王悅改元更

興

更工行翻

聞爾朱兆已入洛自知不及事遂南還斛斯椿

復棄悅奔魏

爲斛斯椿誅爾朱世隆兄弟構間高歡以分魏爲東西張本復扶又翻

是



歲詔以陳慶之爲都督南北司等四州諸軍事南北司

二州刺史

梁置南司州於安陸北司州於義陽

慶之引兵圍魏懸瓠破魏

潁州刺史婁起等於溱水

魏孝昌四年置潁州於汝陰領汝陰弋陽北陳留潁川財

邱梁興西恒農陳南東郡汝南清河南陽新蔡南陳留  
滎陽北通汝南太原等雙郡東恒農新興等郡水經注

溱水出汝南平輿縣浮石嶺東北青衣山東南逕朗陵  
縣故城西北東北逕北宜春縣故城北又東北入於汝溱

緇說翻宋白曰蔡

又破行臺孫騰等於楚城

梁置西楚州於楚城

在汝南郡城陽縣界其地當在唐申州界按孫騰此時  
猶從高歡在并冀殷相之間慶之破騰必非此年事史  
究言之耳  
罷義陽鎮兵停水陸漕運江湖諸州並得休息

謂潁

江及洞庭彭蠡間諸州也開田六十頃二年之後倉廩充實

資治通鑑卷一百五十四